

Yawe-Yire #1
Louisville, Mississippi, U.S.A.
64-0402

1 Eboikinos. Eraina arerengu naepol noi kanu abongun bobo nee katibong kana. Ido arereng naepol mamaka, abunore nejaas yes ainer nukamunitos Ejakait wok Yesu. Loda acamunit eong ebe luipu Kayes ejenete, ido amuno eong ebe ijenete yesi, kotoma aitimio naka adiananareta—ido kotoma oipone loka aKesianut, mamakus. Ido kokwamak ngesi mamakus, lolo, akesianut naepol. neinyouna oni kane, apedos oni alimun, kwape akwi luapote keEmau, "amulaete oni itaon kotoma wok nenerar kede kaoni kotoma korot."

Kwana, kangin tupuruc,

2 eyuunit eong ebe ejatar kesi kede etunganan loerai arucokinan Loka itunga kwape ngesi. ejakait Vayle loda ejai nee kede aisisianakin, koipone loka abongonokin angiseta kede einer kotoma okokoron. Ejaas ngun nee toma aduketai na? Nepene toma aduketai naa, kotoma atupuruc. Ido karai eosikina ice tunganan, ka ice kotoma ojanakinak, karai iceda, ipuda aipejoikin, kanukinyo, kangin tunganan kere ijaunitai. Ido onac Vayle erai ekesisianakinan logwoi noi. Kotoma abeit, ejatar ngesi kede asioman naejok.

3 Ido kanuka ngun, abu eong kalim aparan kaya ebe, aomit eong ebe korai eong da ajatar kede asioman. Eyangakinit eong aitwasama awaragasia, bala icebore yenegitar, kanu aitetemun, ijeni do ijo. Mam eong ajaatar kede asioman nadolit kanu apedor abilibi ngin kwap. Konye ediopone kere, karai loce, ingarakin Ejakait eong kopekwangin adumun ngin.

Ido kwana eitunit eong, kotoma apak adiopet ajai etunganan kotoma kanuiwadikatai, ekekiror anyaritar Yokana, ido papake kerai esaseredot. Kanginiduc, atupitos kesi nueswamaenenei papakec. Konye ajatar ngesi kede aisiraret; abeit ngesi alimor mesia. Ido kwana arai ngesi kolosite toma osomero loabu papake kolosite, ebalas ebe, "kwana, ijen ijo onac lominat *mutan-kede-mutan?* Kerai ngon mesia," nepetai abeit kes aisinerikin nges toma kangun. Aso, kiany, mam abu kolosite toma osomero edio lokepone kangon.

4 Abu koloto toma amoding, neda abu ngesi kisiauna nuka Edeke. Komisik ijo akesiraret, nalomuna kinga? Amameotor nges kede adiosioman kere. Abu kolomu kinga korai akaisauni, kolimonok adaun ilapio ikany kape, kosodete aiyar. Kwana kiwanyun oni ebe amina ngesi... alimunun, ebe, kwape iparisayon kolomutu kinga, kede isadukayon, ido kolim ngesi ebe, "Oo, yes atur naka imunuo!" narai ngun ngesi abu ngesi koanyunenei kamoding; imunuo, ibore yen igasikinit ido korurutu, ido kingalai. Kiany?

Kwana aticepak ticeungan kelimu ebe, "kanukinyo, ijo ibore yenimam yenemamei ajokis komam ibusakinit," karai bonat icebore konye nges...

Konye, koany mam ngesi ajeni akiro nuabeit aitwasam, aso karai do ngesi alimun ebe, "Yes atur naka imunuo," narai ngun ngesi aanyunenei ngesi kotoma amoding. Abala ngesi, ingai kikwenya yesi akérit anyunyura naebunit? Mam igeunete atemar, ebe 'kijai kede, kirai oni loka *kalu* ka luka *kakwi*,' narai epedor Edeke kotoma amoru kanu," nupe abu ngesi koanyunite, aitonyoun idwe kanuka Abraham. Ido iperikitai ayep atorom naka ikito. Ajeni ngesi nuabeit aswamaikin ekitoi lokaronon. "Ngon kere lomam eyangauni araito nuajokak, ecaकिनio kwap kede acakakin akim," aicwear akito kere nukarokok.

Kiany, kere akesiraret karai koipone loka einono, ngesi abu ngesi kitupusitor. Itunga luko kwap apotu komisikis ngun. Ido kesi... aomitos icebore yeni aticepak ajokuna adepar nen aitwasam ti akiro nuepolok nusisiunete itunga kotoma osomero.

5 Kwana, apotu oni eyapitos mot akuare nakabian, aso itamit kwana aitolomun yes kinga kotoma apak, lolo, karai ipedor oni, ido eyunit eong ebe mam Ejakait ecamakin aitep erono noi akuare na, kotoma abibiru naebenen,ibun oni aiyuun ido aitama aijanakin Ngesi, kacoawok kere.

6 Kwana kanyoutu kwape kisiomuna akirot naka Edeke, kwape kisiomuna kotoma oitabo loka ageun. Ido kageutu kotoma osula 22nd ido ikokoro 7th aisiom kiton 14th.

Kotema Isaak papake Aburaam atiar, "Ipapa." Kotema atiar, "eong lo, ikakoku." Kotema atiar, "akim ka akito enu; konye anibo imerekek yenikainakinet naicweio?"

Kotema Aburaam atiar, "kadumakin eong Edeke imerekek yenikainakinet naicweo, ikakoku." Koloto do kesi luarei nepepe.

Kodoloto aibois naalimokinit ngesi Edeke; kodukok Aburaam etem nen, kigang akito, koen ikekoku Isaak, kisiperik otem, kuju akito.

Korio Aburaam akekan, kolek ekileng aaria ikekoku.

Kiworo emalaika loka EJAKAIT ebwoi kokuju, kobala ebe, "Aburaam, Aburaam." Kotema atiar, "eong lo."

Kotema atiar, Sirikidokok akan otelepat, kwabo sirikisubak idiobore: narai ajeni kwana kwape iyongitor Edeke, narai mam kimikit ikokukon, ikonikoku iteluna."

Kitonyou Aburaam akekonyen, kosesen ido koany, kojai emerekek kaukeng, ikamunit amoni amumwarake: kolot Aburaam koyanga emerekek, koinak araun ainakinet naicweio aibois naka ikekoku.

Komaik Aburaam aibois ngin Yawe-Yire: kwape inerare aitodol lolo ebe, "komoru loka EJAKAIT edumunere."

7 Ketuluroto awok akwes apak naedit kwape kiinakina ailip.

Papa kosi lokotoma akuju, kilimokinit isio Akirok na, nada erai Edeke, ebe, "elomuni aiyuun kanuka aiirar, ido aiirar da Akirok naka Edeke." Ido kwana, papa, kilipi ebe ibunijo abwaikin mamakosi apolou naka asiometait kana, tetere isio kipedori asisia kwape ebalor Ebaibuli, ebe, "Iboro ngun kere kokau kotoma aitutuket namojong karaas aanyuneta tetere oni kipedori aanyun." Mama ejaas ngun luerimarete anyarite naka Edeke, eraas lusirerengitai. Ngun da luegirete ngun, eraas luikenitai. Kwana kilipi, papa, ebe kijaun isio kede amisikinet, akuare kana, kotoma apukokinio. Kopukok isio Emoyo Lokalaunan iboro luikamunitos isio kotoma apak kana, ingaditai kere kotoma kanukayeyea naepol naka Edeke naebwaitai ageun kotoma apetetait naka akwap. Kilipit nukere kokiror loka Yesu Amen.

Ipedorete kwana aiboikin.

8 Akoto eong einer kotoma akou nakakirok, kitojokit Ejakait, kotoma aomisiot naka: *Yawe-Yire*. Apolou akirok kangin erai "Edeke loeinakini kanuKe asubanit."

Kwana inera oni nuikamunitos Aburaam, ido karai na apak najaar ngesi emoot ikoku yenaisumunet. Kanu adumun abeit naka akiro kanu, ibuni oni abongor kau. Ido ajaas nu toma osula lo 22, epejokis bere bobo; ajaatar eong kede Ikokoron idis luewadikat eong kane, luda akoto eong aijulura kotoma, karai epedor. Ido akoto eong einer nukece, ido akoto eong ageun kotoma osula lo12. Ibongori oni kasodete aanyun eipone ke Aburaam ekon ai, ido kwana eipone ali abunia ebe abu Edeke koseu ngesi.

9 Kijen oni jokan ebe aisumunet aponi koinakinai Aburaam kede aurike akauloke, ido bon ajaut toma Aburaam nges kiraunor oni ikerumak kede ngesi kwape kejaar aisumunet. Kwana ajatar Aburaam icokat, ido icokat, kajai teni, ajaatar ngesi icok luepu, ikinyom, konye ajaatar ngesi kede icokat yen ainakitai aisumunet. Ajaatar ngesi kede Isimail; ido akaulo natwania Sara, abu ngesi kodukokinos keda aceberu kosodi ajaun kede isapa ikany karei kilema bere apesur; ido kere karas aur ke Aburaam, konye icok luka

Aburaam, konye arai icokat idiopie ajatar ka aisumunet. Ido icokat, kotoma abeit, erai *aiyuun* naka Aburaam, yen ajaatar ngesi toma Akirok naisumunitai naka Edeke.

10 Kwana Aburaam, kidumun oni ebe, mam bere oni kitakan aitodol naidumuna ijo kotoma osula lo12. Esula lo lo11 loka Ageun, kidumun oni ebe papake karai loabunit kotoma Babulon. Ido arai Aburaam da etunganan lopetai, cut kwape kajo karaibo eong karai icetunganan kere. Ido ajai ngesi edumun, karai, nuipedor oni aomit ebe, etunganan loapolor. Kerai ngesi etunganan loka ikaru akaisakanyaarei kanukany luka apolou. Adukokina ngesi kede aberu narai epuwai inacike. Ekekiror kerai Sara. Ido ekekiror kanen, mam bere karai Aburaam, karai Aburam. Ido aberu sarai. Idumun oni ebe adit ngesi kanejai okilenike kede ikaru itomon, nada ainakini nges araut naka ikaru ikaisakany kape kanukany, ido ngesi akaisakanyarei kalukany luka apolou.

11 Araas kesi nepetai, arai ngesi akorion, kajar kotoma aditot naka Shinar kangina, kojari da aijara napotai. Amina ngesi da alosenon paran, kosodi adumunon akekiring kotoma okutui, kodeng aimuria, kojari aijara naka eipone kangon. Etunganan lopotai kwangin, amamei ibore yen etegelikina kede ngesi. Konye kadiopeparan, abu Edeke konyarau ngesi. Ngin bon ngesi abu kiswamau aijulakinet, neabu Edeke koinakina anyarit.

Ido ngon ngesi eipone loejaar kede adiojara kere. Eyangaikinit Edeke. Mam erai nuswamai ijo; konye erai nuswamai Edeke. Kiany? Ipedor ijo alimun ebe, "Abu eong kamo Edeke. Abueong kamoote Edeke." Iwolikinit ijo emamei etunganan lomootor Edeke. Edeke ngesi emouni etunganan. Kiany? Mam erai amoote kon Edeke; erai Edeke ngesi emooto ijo.

Kabala Yesu atiar, "mam erai yes kiseunete eong konye eong kaseunit yes." Kiany? Kanuangun kisekunitai ijo eroko epesikina akwap, karai mam erai kwangin mam do isekunitai ijo cut. Abu bon ngesi kobu alakun ekiror ngon. Ido ikiroria ngun bon lujaas toma oitabo loka aijara loka imerekek eroko epesikina apetetait naka akwap, kesi bon epote ajaun ngina, ediopone kere. Kiany? Kisekunitai ijo kotomaKe eroko epesikina akwap. Neaponi kosekunere imerekek, kaponi kosekunai ijoda kede ngesi, eroko epesikina apetetait.

Ido kirai ijo, kwape kalimunitor eong akuare kaya, atutubet naka aomisiot naka Edeke. Kiany, ngon

bon eipone loirar ijo Lomamedau, ido epone bon loka aijara namam edaun. Ejai epone ediopet bon loka aijara Namamedau, ido ngesi Edeke. Aso, ngesi ngin bon, erai ediopet bon ngesi Mamedau.

12 Kwana kidumun oni ebe ajaatar Aburaam aiboisit. Ido Edeke, kotoma aitutuket namojong, abu kismama kotoma atupuseta kede itorubei, aitoduun nualosi ngesi aswam.

Idumun oni kane ebe abu Edeke kinerakinos kede nges. Ido ibore yen apolo, akaulo nanyarauna Edeke ngesi...anyarite nabu Edeke kijaik arai nakomoyo. Konye, karaida, mam abu kigeta Aburaam, adiopak. Abu ngesi kojen duc ebe karai Edeke. Ngini nges ibore yen apol.

Anyarareta nuka Edeke erai duc naka Emoyo; emamei ibore yenerai yen kakuan, eyangar Edeke nukotoma omoyo kosodi aswam ngun kotoma akuan, konye anyarareta nuka Edeke erai naka Emoyo. Ebal ebaibuli ebe, "ainakineta kede anyaraunio emamei aitoronokin kotoma." Kiany, erai nuicorakineta Edeke sek.

13 Kwana kidumun oni ebe, kotoma kanu, edaun anyaraun Aburaam, abu kiira eporoto loka Edeke, ido abu kolimok ngesi ibore yenasubit bala mam ti kepedor. Ngesi kwape loka ikaru akaisakanyarei kanukany loka apolou, akeberu da korai naka ikaru akaisakanyape kanukany luka apolou, neda ainakineta ngesi ikalamit ejautene loka angor kede nepetai ikaru akaisare, ido kojarite kede ngesi ageun eroko erai apese. Amameotor kesi kede idwe. ido, karaida, kolimokinitete kesi ebe elosete adumun ikoku, ido kotoma ikoku kayen akwap kere, atekerin kere, aponio aisirereng. Kwana erai ngin ibore yenitegelikina.

14 "Ido Aburaam," ebal ebaibuli kotoma oromayon kosula lo 4 ebe "mam abu kiringiringikin kotoma aisumuneta naka Edeke kotoma amamus aiyuun, konye kogogong, ijaikineta aiturio mamajai Edeke."

Apedor eong ainomar, akaulo naka elapa ediopet...narai, Sara, kwape alimunitor eong, adaunit aitub ejautene loka angor. Elapa losodit, apedor eong ainomar abala Aburaam ebe, "Sara, biai ipupia ijo naminat?"

"Emamei aijulakinet."

"Ejok, isirereng Edeke ilosi oni adumun ikoku, kediopone. Kilosi oni adumun ngesi. Ebal Edeke ebe ilosi oni."

15 Kodony Sara, asokisin ikoku kede iboro kere luka imukeru abu itemonok, akapanakin kanuka ngun, naarai ajeni ngesi ebe abuni adumun ngun, abala Edeke kwangin. Kiany?

Ketubor ekaru losodit. Ipupi ijo aijulakinet naminat? "Emamei aijulakinet cut?"

"Ituritete Edeke! Ebuni do araun nakaumokin naepol kwana adepar apak nasodit. Kiany, erai kwana ekaru atubor. Kilosi adumun ngesi, kediopone." Kanukinyo? Abala Edeke kwangin. Ngini ngesi edaunit. Abala Edeke kwangin. Oni...abala Edeke kwangin.

Etuboros ikaru itomon. "Biai do kwana ipupia ijo kwana, naminat?" kwana kane arai naka ikaru akaisakanyarei kalukany, korai do ngesi loka ikaru akasakanyauni kalukany.

Kwana koumok bere ijo etunganan loemojongit kwangin kede aberu da kwangin, lolo, alosit kitoni adekis, ido kobalas, "Emuron, ijai isio akapanakin. Ilosi iso ..."?

16 Ekoto Edeke ijo aiyuun ibore ice yenimam epatana acamun, konye duc einakini ngesi kes aitarau kesi abeit. Edeke...itunganan yen iyuuni Edeke, kotoma abeit esubi bala amunar akou, kanejaas akwapin.

Koumok bere ijo Musa, loitutuoritai kotoma acoa kere naka imisirian, engarenon loka ajore, ajoresio nukomisirian. Ido, konyet, ayangaikin ngesi ikaru akaisangon kanu aitutuor ngesi toma kanu, ido abu koyangaik Edeke ikaru akasangon kanu alemar asioman awai kamake, lupabu koyangakite akwapin da kanu ngin mamake. Ikaru ice bobo akasangon, abu bobo ngesi itututo ngesi, asioman kere, acoa naka edin kere awai kamake. Kosodi do ngesi airiamun kede ngesi kokau naka amoding, kosodi do ajenun nuipu nukamunitos Edeke, adakikan akany kotoma akonyen nuka Edeke, adepar asioman naka itabon ikaru akaisangon. Erai ngin abeit.

17 Mam Edeke ejenunio kanuaka asioman, ejenunio ngesi kanuka aiyuun. Ido apotu edeke kinerata kede ngesi kotoma kanuka aumokin. Ido eipone loeraar namam ibus, irwanace, einakin Edeke oni aswam.

Koumok bere ijo etunganan lomojongit, ikaru akaisakany kauni lukapolou, akerit, enabi lokerit mamajai Edeke? Ido kotoma akonyen nuka Edeke adakikana akany: atupuruc natupakin (koumok bere ijo ngesi?), etunganan loemojongit, amasurubun ejaas akuanake kwangin; akou ke nalarong imilia; kede ebala lomagul kakanike; akeberu iboyei egarara kapuuda, keda ikoku yenididi kotul ke; kotoma orot ke alosit!

"Aibo ilos ijo Musa?"

"Ejai alosit laije Misiri, aikamar."

Koany, "aikamar,"aipikor naka etunganan ediopet. Esubi do ngon bala eyala. Konye, ibore ngesi yen ebe abu kiswama, narai abala Edeke kwangin. Edaunito ngon.

Nedauna Edeke alimun kwangin, ngon kesi edaunito ngon. Ngesi ngon. Karai einak Edeke aisumunet, ikajak ekonitau toma kangin. Karai ipedor aiyuun ngin, kosalak ijo...karai mam ijo iyuuni ngin, ikunya awai kotoma kangin; imusungi ijo. konye arai kiyuu jo ngon kosalata keda ngon, eyangari ijo toma aipikor, abeit cut kwape akwap.

18 Kwana idumun oni Ebe, "Aburaam mam abu kiriangiraingikin kotoma aisumunet naka Edeke." Ido nadolio ngesi ikaru akwatat luka apolou, ido korai akeberu akaisakany kangon, apupun eong ngesi; mam apatan kiton ainer, ajai do ngesi amojongar ido anonokar, "Ejok, Sara, naminat, biai do ipupia ijo?"

"Ejok, lominat, mam eong apupi adiojulakinet."

"Aleluya! Ilosi oni adumun nges, kopekwangin. Narai abala Edeke kwangin. Ngin bon nges ejai kanuka ngon. Abu Edeke koinak aisumunet." Ebala ngesi ebe abuni acamunit kede aileleba ebe apedor Edeke nuabu Ngesi kodaunite aisumun."

Ido kwana inyaraikina oni da ebe idwe ekinyomit loka Aburaam, Icofat ke yen Akabakanut (mam erai icokat ke Isaak), Icofat ke yen Akabakanut, kristo; ido airiangirianga kotoma adiosumunet kere, ido ecelet kangun, kasodi abuonokin kotoma aomisio wok? Abuonokin eong oni araut Icofat yen kAburaam neijaar oni keda aomisio kwanat kangun kotoma wok. Mam Icofat yen Aburaam ebuni airiangirianga kotoma obore yen emamei. Enyarai iboro luemamete, bala luejaas, narai abala Edeke kwangin. Erai Ngesi Ekasuban. Epedor ngesi aisipedor. Abu Ngesi kisumunik ngon, ido ngin ngesi edaunit ngon. Ngun bon kesi ejaas kanuka angun. Edau Edeke alimun ngon, ngin nges edaunit akiro ngon kere. Kwana, kiitu, akoto ngesi ngon... kanen mam apedor...abala nges...

19 Icebore yen abu Ngesi kolimok ngesi aswam, atiakar elopet kwana kotoma otungake kede itunga kere.

Edeke, kanu adumun etungana karai aberu, esapat karai apese, arimar Ngesi, eyangaikin ijo atiakar akonikuan kotoma amamus aiyuun kere, erai ngin nakabeit, kiton ijo atiakar nakabeit akonikuan Kama ejaas iboro kere luekolokina kede Akirot ngin, ido aiyuun Ngin. Ijo...enyarit Edeke atiak cut.

20 Atiaketai naetiai lolo ejai toma osomeroi wok Luda ijukanarete ikejanakinak kinga. Erai kes aitolomunun kesi kede adoketa kere nuka amamus aiyuun kede asisianakineta numam eupasi kede ikokoron adepar icebore kwanat aisisianakineta nukaitunga nuesubunete kesi ikulepek, keda amamus aiyuun naiponesio kere kaiboro luisisiaete kesi, luemameete kotoma kaNuiwadikatai adepar icebore yenikaisisianakineta nukaitunga nuiswamaunete kesi, ido ayakiyar kesi kinga kede iboro kwanat kangun. Komam aumokin itolomu oni aibunget naka Oswald's kede Jack Ruby's, kaiceda, anatar akwap kere. Ejai eipamorane ailikor akwap, narai ija oni kede isomeroi kede ikalimonokinak luielukumitai aboisit naka kaluiyakit Edeke, kouritete nakiareit, kilelebasi kEmoyo lokalaunan, odwe luka Edeke lueuritai kakim, idwe luka Aburaam luyuunito Akirot naka Edeke araut abeit naemamei abuonokin kotoma ido komamei icebore konye Abeit, kogogong, ido kobwoi kotoma aisumuneta, koingaren naka idiobore kere, kede atereikin kede nges kiton kwap, erai ngin nakabeit. Erai akirot naka Edeke. Ejok.

21 Kwana abala ngesi, "kotiakar kama ejaas ikonipajan kede ikonitunga kere, idiobore, kosodi atupakin eong."

Mam Edeke ijulakinitor akeswamae. Erai Edeke lomam ijulanakin. Eipone loiswama Edeke idiobore, ediosawa, erai bobo ngesi aswam kwape kwangin kosawa loetupakini. Kiitu, neiwanyuna ijo aswamisio nuka Edeke ediosawa kere, karai erai ngesi...karai ewoliorit etunganan, ido kitajara Ngesi etunganan kotupitete asekunete nabu nges kojaunotor. Mam Ngesi ijulakin ngin. Kiany? Erai ngesi lomam enangi.

Konye oni inangi. Apedori eong ajenun ejok moi adepar lolo. Kanuka angun ipedor ijo aijen nuipu okaru ngon adepar eipone loijenja ijo okaru lo. Ajenun ejok nuipu okaru kalo adepar okaru loatubor, konye mere Edeke.

Erai loitekoro, loemamei enange. Kanginibore kere yeniswamai Ngesi erai yenitekoro. Mam ngesi epedor ajaikin aomisiot lolo ido alimun ace najok moi. Akeomisiot nasodit erainaitekoro. Kanuangun, ipedor do ijo aigwaikin akonitau toma idiobore kere yenelimun Ngesi, erai Abeit.

22 Aponi konyarakinai Edeke adiopepak kanu ainakin aomisiot, eipone loatajaret etunganan, ido epone loabu Ngesi iswam arai kotoma oponeloka abukor Aokot nuka Ayen amamei aronis, kotoma omanikor loka Eden. Ido etunganan abu otam nginibore kere kotoma akwap kanu aitajar etunganan, koponece; apotu kodukoto ibugai, kodukoto igoropan, kojaunos kede atukosia, asioman, ka nginibore kere, ido bore kere ibiroro cut. Ejai epone ediopet bon loitajara Edeke etunganan, erai kotoma abukoro naka Aokot nuka yenamamei aronis. Ngon bon ngesi erot. Ngin ngesi aomisiot nasodit naka Edeke. Esalakin ngesi kede ngin.

Karai itangaleunitor Edeke etunganan kotoma adoketai nabu kitangaleuna nges, eyangaikin Ngesi aitangaleun lotupakin da nedolokina nges adoketai nginipengin. Karai mam iswamai kwangin, edumun do iswamata Ngesi erono neabu Ngesi iswamauna aomisiot ngin.

23 Karai iswamaunitor Ngesi aomisiot, ejai Ngesi asalakin kede ngipengin, karai mam Nges esalakin, edumun do ebe eswamaunit Ngesi naronon. Kiany? Ido ingai epedor alimun ebe iswamaunit Edeke aomisiot naronon? Kiany mam oni ipedor alimun kwangin. Aso esalanakin Edeke kede aKeomisiot. Neiswamauna Ngesi ngin, nges ngipengin.

Abala Ngesi "kotiakar kanejaas ipajanakon kere, nginibore kere, amamus adolit kere naelomun koBabulon kangina."

Atukot napoleon kakere kotoma kwap ngesi Babulon, neabu kimorikina ibugai kere aitac esolo nejai eibuga lo ediopet, narai aitupuset, naka italesio kede iboro lutetiak lukiwany oni lolo. Karai isiomitor ijo akiro nuka Babulonin aarei nuka Hislop's, kaceda, kosodi abongor toma Ageun ngesi erai ageunet, icokat, itei ijo inonosio kede iboro, kere egeunitos kane.

Kiany, Iparisayon luaninik luapotu kalaije, kanejai aberu ngin keda alias nuationo amisiikin kaceda, ageun kotoma aparasia nuka Yesu. Mam Iparisayon eyuunito Emoyo karaida icebore kere, apotu itikokis Yesu. Kotema Yesu atiar, "Kojalakisi kes. Karai ingareniki emuduk emuduk, edoete kere aipany. Kojalak..." abu koloto ngaren kede alimonokin, kede aitangal lukadekak, kede aswam nukapedor, ido kopone kangopekangon. Mam apotu kitikokis Nges, naarai arai Ngesi Akirot. Ejai Akirot alosit ngaren, komamace nuejaunos.

Aso kidumuni oni iboro ngun elosete ngaren, ido kwana edolunete kesi toma angetakinet kane kotoma aparasia nukawasia. Kwape Yambure kede Yane kobwoikintar Musa, kwape kwangin ibore ngipengin.

24 Kwana, atiak cut kede amamus aiyuun. Ido, kiitu, Aburaam papaawok mam ber apon kisirerengoi kaileleba aitodol ngesi arimar kere nuabu Edeke kolimok ngesi aswam. Ido mam oni da cut, mam cut, mam cut isirerengoi, ka adumun arerengusio, kiton oni arimar kere nuabala Edeke oni aswam.

25 Icebore yen akoto eong yes amisikin kane kotoma osula lo 12, ebe aitutuket ainakinitali komamei ekisil. Amameatar kadioweneta kotoma. "Ajaatar eong," mam "karai jo." Amamei atemar ebe karai kotoma kangun." Adau eong aswam ngun." Abu koinak Aburaam aitutuket, komamei ekisil kotoma.

Ido kwana kojenu, kotoma aitutuket naka Adam, arai ebe, "Karai mam ijo itirori ekitoi lo, kanen do abuni eong aswam *nu-kede-nu*. Konye karai kiswama jo, kanen do ejaun eong aswam *nu-kede-nu*." Kiany, ajaatar ngin kaekisil erucokina tomake.

Konye kotoma aitutuket kana, "Adau eong ataraun ijo papa loka atekerin nui pu." Ido ada... Eraasi kere nuamamei ekisil kotoma. Erai aitutuket kere asianut bon, boni-bon asianut cut, ibore bon yen abeit kesi aswam kanu aidarit aitutuket na nges asalakin it aiboi kotoma akwap ngin; ido nginisumunet kere, abu kolot kaitutuket, kakes. Ibore bon yen abeit kesi aswam ngesi asalakin it aiboi kotoma akwap ngin. Kwana idumun oni ebe, neapotu kesi kolomarat misiri, apotu kotwakiasi akecererengusio, konye mere akeceitutuket. Aroko aitutuket ajai. Apotu kotwakiasi akecererengusio, konye mere akecetutuket, naarai aitutuket kec arai asianut, komamei ekisil.

26 Ido kotoma anyoun, esula lo 19, abu Isirael kiswama idiope koboro luapotu kesi komotakinis kakere yen iswamatotor kesi, ngesi kesi aigir asianut kosodete acamun ekisil. Koany bere ijo nuabu asianut kiswamate. Abu asianut koinakinite kesi ekelakunan, abu koinak kesi enabi, kede epir loka akim kanu aitodiar ngesi kede akirot naitogogongitai, ngesi imerekek yenikasubanit. Abu asianut konakinite kesi aisikwarunio nakaumokin. Abu asianut koyangau kesi, abu kongaa angolol narengan, abu itutub nges ngunuda. Abu kitajara kesi kede anyuneta kede nakaumokin, kere kotoma asianut. Konye akotos kesi icebore tetere kesi edumunete ikiroria luepolok.

Kwana, karai kere mam ngin erai itunga lolo, erai ibore ngipengin. Eyangai kin kesi, etungan ekoto duc agwai kin akekuan nenice. Ido nen ngesi abu Isirael iswama akeibucar naepol noi, neapotu kesi kogirotor asianut kosodete ayangar ekisili, aboisitike. Ido da...karaida, konye aitutuket nabu ngesi kiswam kede kesi aroko arai namamei nutupitono. Ikon nen kiton lolo, idumun oni ngin.

27 Aburaam, kanen, kaulo nainakinere ngesi nutupitono, abu kogeu ekerot, alosite ngaren. Kwana idumun oni abu koloma kinga. Ido kotoma osula lo 13, abu ngesi kodolok toma aboisit naka arimar naileleba mama ejai Edeke. Kwana idumun oni, kotoma osula lo 13, Lot ngon...nasodit, abukoyanga papake, ido etunganan loamojongit abu duc kojai toma orot. Ido abu nges otamite ajaut kede luipu aupakin kede nges. Ido neiswamauna ijo kwangin, nen kwana idumuna ijo ngun. Ebala Edeke ebe "kotiakar."

"Ejok, abuni eong alimokin ijo, mam iyuunitos ejok, konye..." kolom kotoma kangin. Ngin ngesi bon

ibore, konyou awai kotoma kangin.

Ido kanen etungan loamojongit, abu kongetak, akaulo nadaunere Aida ngesi, kanen, korau Lot etimat kotoma omugati, kwape alimunet. Idumun oni ebe abu ngesi kogeu airuruma. Kosodete kesi kere aibar, ido ajatatar kesi luipu ajaria. Ido kidumuni oni ebe abu Lot kogeu ecelet, ecokok ke asurokin luka luka Aburaam.

28 Ido idumun oni mam ngesi apedori, Mam Edeke abu kodum amunonutu kanejai Aburaam, arimar nuaponi kolimokinai ngesi aswam, atiakar cut kotoma ajenake kere, kamajaas iketunga, ido aijanakin Ngesi.

Aso idumun oni ebe, Edeke ineras kede Aburaam kane, kotoma otut, ido abu kolimokinite nges kere nuabeit aswam. Kangetakinet, Lot, nelomuna aingiset kiding Lot kede Aburaam; karai okoke onaceke lonyaritai Haran, ido kesi...karai do ngon ocenike. Ido akaulo alimun ebe, "kwana irai do oni inacan. Mam bobo ekoto kojaunos iceleta kiding wok. Kwana ijo, karai ilot ijo kide, alos do eong too. Ido karai kilot ijo too, alos eong kide. Kwana atiakas oni ikulepek, ido mam oni...ejai apak naepol nadolit oni kere. Ido kolot ijo, koyanga ijo aseket kon." Kwana arai ngon emoyo lokabeit loka ekristayot kotoma Aburaam, ainakin lokasurup ayangar ekewai. Abu nges kojai ngesi ayangar akeseket.

29 Ido Lot, kwape luipu lolo, koany arereng. Narai karai enyou ngesi kotoma aridakina kangin, kanukinyo, tinges iswamau kanuke idollars, tinges eraun etungan lojenara. Abu do ngesi kongolia ewai loka Sodom. Ido karai akwap najok naedilas akipi, ido kojai Eibuga toma loapol, kede icuman lswamare amunyu, kede iceda. Kesi, ajaatar kesi kede iboro lujukanaro kinga kotoma kangina. Ido kanen, bobo, ajaas kede apak napol, angor kede kere ajesebelin nuaculitos iriagin kede iboro kere, akeberu abu opup adisiesu kangina, da, narai kidumun oni ebe, akaulo narauna nges ekayaiton loka ebuga kangon abu ngesi kominak ejare loka itunga kangun. Ido ngun bon ngesi ebeit ijo aswam, nges ijo aimorumorun kede icebore. Kiany?

Ekoto Edeke ijo atiakar akonikuan, ido aluanar nelwana noi kiton nemam bobo ijo kisesena iboro ngun cut. Ebe, karai ikoto ijo awanyun idiopebore, nges Ngesi kede nuabu ngesi kisumun.

Konye aberuke, Lot, abu nges kominakitos ngun. Ido komamei abuonokin, abu ngesi kolim ebe, "lominat, kwana abu eong ajai kwap, ido koany bere ijo eipone longapatar angora kangina, ido koany bere ijo apesur wok. Koany bere ijo eipone longapatar awokapesur. Mam kereka ijo iwomit ebe eraas nuka kwana?" Oo, ikatuan! Karai mam kereka oni ibongorit toma Sodom bobo ace, mam eong ajeni kanukinyo. Kane kidumun oni.

30 Konye abu Aburaam kosalak kede aisumunet. Ido kidumun oni ebe, kwape alosio ngaren, kosodete kesi atiakin, ido Lot. Ido Aburaam abu koyanga alupok nuarokok, awai mot, abu kiboikin ngina nemameete Anyaa nuajokuka kanuka akituke. Ido, konye, akapakina nges ayangar ewai, narai Edeke ngesi abu kigwaik nges toma akwap ngin, ido karai nen ngesi epuda ngesi aiboi kotoma. Akapakina nges ayangar ngin.

Kwana kawasia ke, korimaa Edeke kede aileleba, neabu ngesi korimar Edeke kotoma aileleba, atiakar akekuan cut, kanen do kitanyikin Ejakait nges bobo. Aitodol nges aswam ngun, abu Ejakait koluanar kanejai Aburaam. Konye neabu ngesi korimara, ido Lot...kitanyikin Edeke nges, kobala ebe "Aburaam, kikeu akonikoyen. Kongolia kide, kongolia too, kongolia agolitome, kongolia ngalakimak, ngun kere eraas nukon." Amen. Kwana, amina eong ngin.

31 Ido, ijen ijo, erai ngin ibore yeneputos kede neadauna eong aitajaro. Abu eong kapupununei duc nuikamunitos Edeke loepol. Ido, ijen ijo, neadumuna eong aitajaro, abu icetunganan kobala ebe, "kwana nuebeit ijo aswam bon ngesi ijo Alomar okanisa, kosodi ijo agwaikin ekiror oitabo nee kotoma okanisa lokobaptist. Ngun bon ngesi ebeit ijo aswam."

Konye, ijen ijo, adiope paran abu eong kaany ebe arai eong ekeruman loka icebore, abu eong akoto areikin kede aanyu

ibore yenajatar eong. Ijen ijo, ekoni do eong nen. Kwape etogo loileleba iboro toma erai lokon, ido nginibore kere yenejai nen erai yenikon.

Mam ijo ipedori ajenun nuijatar ijo kitoni ijo aireikin kotoma obaibuli, aanyun aisumunet. Amen. Epedorete kesi aidara ijo kotoma kangin; konye eraas kesi lukon.. Kangin isumunet kere erai kanuka Aburaam kede aurike akaulo ke. Amen. Kangin isumunete kere najai toma akirot erai naka Aburaam kede aurike, ido kirai ijo ekeruman loka kangun. Ekeruman! Oo, ikatunga! Amina eong akot aanyun ibore yen ajaatar eong. Karai einak icetunganan eong icebore, epudakin eong aanyun ngesi. Ido amina eong airere Ebaibuli kede aanyu ibore yen ebeit eong. Kangin aur kere naka Aburaam abeit aswam kwangin, neurunere ijo nakiareit, kilelebas kede emoyo loka Edeke, ido Emoyo Lokalaunan ejai mamakon, irai ijo ekeruman loka kanginidiopet kotoma aisumuneta kangun.

32 Ijen ijo, erai kabalar eong, etogo loapolon, ibatisakitai oni toma togo ngon. Kotoma Omoyo ediopet

ibatisakitai eong toma akuan adiopet, ido akuan ngin ngesi Kristo, ngesi da erai icokat yen Akabakanut naka Aburaam, ido koras ikerumak luka iboro kere luejaas tomake. Amen. Nginibore kere yen ajai toma Edeke, abu Edeke kobukok toma Kristo; nginibore kere yenajai toma kristo, abu Ngesi kobukok mama ejai ekeyunan. Amen. Edeke kokuju wok, Edeke ejaas kede oni, ido Edeke kotoma wok! Nginibore kere, kanginisumunet kotoma Oitabo, erai nakon karai icamu ijo ngin. Karai ijatar ijo kede aiyuun nailosikina acamun kede aiyuun ngin.

33 Ijen ijo, abu eong angolengol arimor, karai apedor eong aanyun idiobore yen ikeikina mot, aomomo karai inyo ejai nen, alemuni eong amandala kasodi airem arimor, ido ainyikokin adokar kiton neadolia eong kuju naka ngin. Ngon ngesi eipone, aisumunet kotoma Obaibuli, karai esubit icebore bala erai yenikotoma ayeyieia mamaka, ejai eong ainyikokin ailip kiton nadolokina eong toma kangin. Kesi ngun kere. Ngon bon ngesi eipone loswamaet ngin. Ainyikokin kotoma ailip, asalakinit toma, adokar kuju, aiyuunit, kiton ijo... araun ekeruman loka kangin, narai ijaatar ijo aisumunet naka ngin, ido ijaatar ijo kapedor toma kangin, ido, "Ingit ido kiinakinio, narai epedoros kere kama ejaas luyuunito."

Kwana idumun oni ebe koloto Aburaam kotoma akwap. Kolimok Edeke ngesi, ebe, "Koloto kotoma akwap, kirere nges. Kangin bore kere erai yenikon. Kangin bore kere erai yenikon. Ngun kere eraas lukon."

34 kwana idumun oni kanen, ebe, kotoma osula lo 14 loka anyoun kwana araibo osula lo14 loka Ageun, kabongokis. Kotoma osula lo 14 loka Ageun, apotu Aburaam kede Lot kotiakakinos, ido akaulo ke abu Lot koloma toma ationis ace. Ido duc, kitiakar ijo Kama ejaas ekeyuunak, ilomari ijo toma ationis. Kidumuni oni ebe apotu ikabakan inerut kosodete ejie. Kosodete abunore kede aikamar Sodom kede Gomorah, apotu kikamas ikabakan luka aboisio numukur kede luka aditono, ido kanginibore kere, ido kayangarete Lot. Ido itunga idis bon apotu kosiata toma omoru. Ido neapotu kesi kismamatar kwangin, idiopet itunganan yen abukokuu ngesi abu kolimok Aburaam eburaniat, kobala ebe, "ebiror Sodom kede Gomora ido ekamar ikecekabakan, kede iceda, ido ayangas itunga kere, kede ikeceboro kere luajaatar. Ido ayangas Lot kede akeberu, kede akepesur kere, angor kere, ido alototo ngaren kede kesi."

35 Kwana, Aburaam, koany emoyo loekristayot atupakin kanu onaceke. Karaida ngun, karaida abu Lot kibiror, abongor kau, konye amina Aburaam ngesi. Abu kinyikok aigwapit nges.

Kwape kayesu, kotoma Atur nakoLaudikia. Konye, apotu kigwaikis Ngesi kinga naka ekanisa kece. Ido ajai ngesi kinga, ikungukung, etamit alomun bobo toma. Korai opedori ngesi adumun icetungan angaar ekek tetere Ngesi epedori alomun toma!

emoyo ngon ngon loka Aburaam, kiany, alosit kanuka onaceke loebirora, onac loabongo kau. Konye abu ngesi kigwapite nges, ido abu ngesi koyanga ikebulesun akwatauni lukiliok kosodi aitanap kesi. Kosodi ariamakin kede ngesi kotoma Dan; ngin ngesi angetakinet naka palestain kangina. Kosodi ariamun kede ngesi kangina, kosodi atiakar kamakec kuare, kosodi angwapakin kede aitiji ajoresio, kosodi aitelekar ikabakan, kosodi atubutub kesi, kosodi ainyakun kere luangataritai.

36 Koany, nebonguna ngesi, apoto bonaelai kane. Ngin nges ainar eong ainomanar kau bere mot, tetere adumun...eroko eong adolokino akou naka akirot ka *Yawe- Yire*. Karai kimisik ijo Aburaam inyakuni kere luatwaniarit ngesi, onaceke loegogong akou kede ikedwe, kwape enyakuna nges kesi, apotu ikabakan kopotu ariamakin kede nges.

Ido abu Melukisadek da kobu, "loda karai ekabaka loka Salem, Ekabaka loka ainapakin, ekabaka loka adolit, ekabaka loka Yerusalem; loamamei papa, karaida toto, karaida ageunet naka apaarasia ke, komamei awasia naka aijara ke."Melukisadek kiriamunos kede ngesi kotoma atub -...ebonguni kotoma atubutub naka ikabakan, mamajai ejai ekimat Aburaam (Iburanian 7) kiriamunos kede etunganan lo kosodi atacakin itomoneta, alemun idiopet kotomon. kibusakinit lo korai Etunganan loepol! Ngai iwomit ijo arai Etunganan lo? "Amameotor ngesi papa. Amameotor nges toto. Mam nges egeunit." Ido loarai Ngesi kere, eroko nges ejaari. "Mam nges edaun. Ekabaka loka Salem, Ekabaka loka ainapakin!" Oo, ingai Bo Etunganan lo loepol?

37 Ido komisik nanyoen aitupuset naianyun oni kane. Akaulo nangetakinor ejie, akaulo naa—akaulo nadauna eyuunan loka abeit aitiji lokasurup, abilibil agerosio kosodi aitam aikamun onaceke, aur nakabeit naka Aburaam ainyakun onaceke loegogong akou, abu Melukisadek kobu kosodi aijanakin ebino kede imugatin, komesa loka Ejakait, aijanakin komesa loka Ejakait akaulo naka ejie, kijanak lukomesa mamake akaulo naka ejie.

Aitupuset naibus neda engetakinor ejie, kane kotoma akwap, edaun ainakin aipikor. Abala Yesu ebe, "epote kesi ainyam nakitet kotoma Ajakanut naka Papa," akaulo nainyakunere loegogong akou. ido ibore yenisodit yen ibuni oni aswam kiloma oni ngina, akaulo nangetakinor ejie, ngesi aiboikin omesa kotoma Ajakanut naka Edeke. Ido kangina ngun lujitos, kosodete aiboikin aitelekar, ebunio aitanapa kede adolit naka kristo, ido bobo eyangarete ebino kede emugat, kotoma Ajakanut naka Papa kotoma kowai kaje. Erai apoto nakabet, naka Aburaam alosit kosodi adumun Lot ido ainyakun nges bobo.

38 Kwana kianyuni oni kanen, ebe kotoma osula lo 15 kidumun oni ibore yen epol kane. Asubit eong bala aminakitos eong nu noi, aanyun Aburaam epone lojaar, ido Aburaam kede aurike akaulo ke. Kidumuni oni kane ebe, akaulo na Aburaam aswam nukere; aiyuun Edeke, asalakin toma aisumunet, atiakar akekuan, ido kapak kangin kere atupakinit eroto loka atupakinit aicorakinete nuka ejakait; idumun oni ebe abu Edeke kitanyikin nges kotoma otem. Kosodi Aburaam aingit Ngesi aingiset, kobala ebe, "kwana, ingai kwana ebuni araun kerumunanika konye Eliesar loko Damasiko? Ido kwana abu Ijo kismunite eong icokat. Ido akoto eong Ijo aswam icebore; akoto eong Ijo aitogogong aisumunet na mamaka."

39 Ido abala Edeke ebe ebuni Ngesi aitogogong ngun mamajai Aburaam, aitogogong aitutuket nada abu Ngesi kiswamate kiding Nges kede Aburaam. Kwana alosi Ngesi ainakin nges aanyunet nada ebe ebuni araun abeit. Ebe, karaida emojongit ngesi, erai kwana nges nepetai ikaru akaisakanyikauni—kanukany kwana, konye kolosi nges aitogogong mamake, kotoma aanyunet, ebe elosi ngesi aidara aitutuket ngin.

Oo, eyalama eong noi ebe einanakini oni Edeke duc aanyuneta, narai Nges...ebeit oni ajenun, lolo ebe esawa lojaria oni kwana, ekoto aanyunet kojai toma akwap kotoma apak kana. Ebeit oni aanyun anyunet ngin. Mam Edeke iswamai icebore karaimam ber einakinit itunga aanyunet kede aikwenyarete. Ido kede anyunet nakabeit etupakini eporoto, ido eporoto erai duc loupas kede Nuiwadikatai.

40 Kwana elosi ngesi aitogogong aitutuket mamajai Aburaam, karai Abram, konye. Kobala, "koyanga ataok." Kwana, kiitu, ejai itaok yeniberu. "Ido kalem akinei naberu naka ikaru iuni luka apolou. Kanginidiopet kere ekoto korai yenikaru iuni." Koany, ataok naka ikaru iuni, yeniberu; akinei naka ikaru iuni, yeniberu. "Ido emerekek," Lokiliokit. Kanginidiopet yenikaru iuni, ido ekoto koraas iuni kakesi. Iuni; naberu, nungor aarei, ido lukiliok. Kiany? Luka ikaru iuni lukapolou, asubanit naelai. emerekek...ataok, akinei naberu naka ikaru iuni luapolou, ka emerekek.

41 Karai kimisiik ijo, kanginibore kane kere edukun toma aanyunet. Ido kwana mam ebeit eong alimonokin aisisianakin kotut kane, ido acamunit eong ebe eyapiei ngin noi kane ipedorete yes aanyun. Koany. Ido kayanga iarei, ikweny iarei. "Idiopet ejibat ido ediopet ajele," Luda eraas luka ekale ediopet, ejibat kede ajele.

Kwana abu ngesi kotub akinei...Emerekek irwanaarei. Kosodi aitub emerekek kede akinei, ido kede luce. Abu kotiakatiak kesi, aitub kes kokiding, kosodi aiperikin kwap. Konye ajeleik, kede ajibai, mam abu kotiak. Karai ngin, naarai, nginitunganan ejeni Nuiwadikatai, kojen ebe erai ngin aitangale naka Edeke. Kiany, ejai toma aitutuketa kere. Ido kidumun oni ebe, abu kiperik kesi toma. Aitangale duc erai kotoma aiyuun Aokot nuebukoritai, duc. Ido aitutuket namojong da ajai aitangale naka Edeke, etia bodo ai neejatar aitutuket naitetet? Kiany? Karai itolomunit aitutuket namojong ngun, dobodo naitetet, iwori, "Erai aitutuket naejok adepar, einer nuka ajokis, iboro luikiara, iboro luepolok, iboro luejokuka?" Aitutuket naitetet!

42 Kwana idumun oni kotoma kanu, ebe Aburaam, neabu kiswama nu, kanen do koany nuapotu kotakanutu. Kwana ne ejai naepol, aiboisit naetakani noi. Mam eong akoto ijo atwaniar ngin. Aitogogongio naka aitutuket, kotoma acekiro, erai aisumunet, ebe, "Arai eong lomunot kotoma kanu eswamai karai nuabala eong ebe eswamai," Edeke itogogongi ngun mamajai Aburaam.

Ido abu koyanga asubana ke kosodi aiperikin ngina, ido aiperikin kesi komam kosang kiton osang, nepepe, kwape aperikina kesi kwap; ido aitwar ikweny awai kanekec, tetere mam ikweny apedorete aijesun kwap mamejai akiring nalolo, aitodol akolong aijesar kwap, kotoma atibong.

43 Ido nejesaror akolong kwap, karaibo alosit kwap, kane abu kitodik Aburaam nualosi nges aswam koingaren, nualosete aiswamaun.

komisik, abu kolimok Aburaam: Ibore yenisodit yen abu nges koany nges aitukurianet nakamuton nabukobu mamake. Nasodit, ajoo nuidulok adoik nges. Kwana, ajoo ngun abwoikinitos atwanare mama ejaas itunga kere. Kanginitunganan kere ebeit atwanare; atwanare mamajaas itunga kere. Ajoo ngun nuedulok apotu kodoikis nges; ido eroko ngun abu amuton naitukuriani naka arionus; ido kanen kobuni do eupa loka akim; ido akim naedit nanoki abu kolot toma kiding naka aitutuketa, kitoro kiding naka aitutuketa kosodi kiding naka asubanit kosodi aitiak nges. Kwana inyobo apolou akirot kangin? Akepolou ebe nginitunganan ejai atwanare; ido kotoma abeit, akaulo kangun, kibusakinit alosit toma ogeana; erai ngin nakabeit, kotoma amuton, amuton nakokinga, kotiakara kama ejai Edeke; konye abu Aica kolom toma, kosodi aitoro kiding, aitiak asuban ngun. Karai imisikinit ijo, oni...aitutuket ngin!

44 Kwape oni luka America, biaibo iswama oni atutuket? Ejok, ibore yenisodit yeniswamai oni, kibala oni ebe, kilosi aiswamaun ediopone loka aicurusa karaibo icebore, imina duc oni alosit kinga kasodete ainyama; kasodete aiboikin kwap, ainer apak edit, kasodete ainakin iwaitin wok; ido aijang akan kaenice kede yenice. Kalimunete, "kijangak kotoma kangin!" ngin nges awokaitutuket. Ngin nges ai sumunet wok.

Kwana, kotoma Japan, ijenete yes kaiswamaunare aitutuket kotoma Japan? Ejarat kesida icebore yenyenyamaro; kanen elemunio acupa naka amunyu, ido ecaakinio amunyu mama ejai yenice. Ngin ngesi

aitogogonget naka aitutuket.

Ijangi oni akanin, katemar, "Ipucakinitai, esapat lomojong. Acamunit eong ngin. Abuni eong aiboi kede ijo. Erai ngin aitutuket."

Kotoma angajep nako Japan, Japan, ecakio amunyu nejai yenice. "Adaun aipucakin, opapero. ngin ngesi awasia nakangin." Ngin ngesi angetakinet naka engunget kere. Adaut kesi aiswamaun aitutuket, kede aitogogongor ngin, koipone loka acakanakin amunyu mama ejai yenice.

45 Konye kotoma aparasia nukolo sek... (Apedor eong adumun idiopet kanu?) [Abu onac Branham kolek atutubet naka apapula.] kotoma aparasia nukolosek, lo ngesi eipone loswamatar kesi aitutuket. Ajai ainomun acamanar, kosodete ayangar acamanar kosodete aiwadikaun ngesi koipone *kangon*. Kanen do kaarete oni etiang, asubanit; katiakatiakaete nges, kosodete aiperikin ngesi kwape kolo kotoma aparasia nuka Aburaam kangina. Kasodete oni aibwo kokiding naka aitutuket kana, ijo kede eong, kasodete oni ailaira mama ejai Edeke. "Karai ikurok oni aidara aitutuket na, karaunos isio lukatwak kwape asubanit ngin natwani kotoma aiboisit kosi. Kobongonokis aokot nuka asubanit kanukosi. Katwakata iso atwanare ngipengin, karai ikurok isio aidara aitutuket."

Kanen inomunio ngesi kere, karaibo aiwadikaikin toma apapula *kwangin*. Kosodete aicil araun aarei, *kwangin* [Abu onac Branham kocil apopula kokiding.] kwana kanen ijo da koyanga atutubet adiopet, kosodi eong da ayangar atutubet adiopet. Ido kwana, kianyuni jo, mam ijo ipedor aijerun ngin cut, kanoi-noi karai iwadikatai omukule loka amerekek. Kiany, mam ijo ipedor aijerun kedipone kere. Ebeit nu ariakakin becebec ka *ngun*, kanu aitarau ngesi kwape kwangin. Ido neibunia oni nepepe, adakite eong da atutubet adiopet, ijo da kodakite adiopet ya, ido kanen neibunio oni nepepe ido kobeite aiswamaun aitutuket na, ido kobeite aitac aiyapo wok, kanen do atutubet ka naka apapula ebeit koputos kede atutubet napopula kon, ido kanukangun erai ijo ka eong ijai toma aitutuket.

46 Nuajai Edeke aitodiar kanen eswamai nges, ebe Edeke Elopel ajai aijesun toma akwap ainap akuan, ido alosi Nges ajaun toma aitutuket. Ido abu Edeke koyanga Kristo, lorai Emoyo; Edeke Yawe abu koyanga Kristo, kotoma omusalaba, kosodi Ngesi aicil Nges kokiding. Abu kolek Eketau kosodi ayangar toma Akuju, kosodi ayangar akuan kosodi aibwaikin toma ates. Kosodi aitonyoun akuan, kotoma atupuruc naka ajarun; kosodi aijukun bobo Emoyo loajai tomaKe, ajaun mama ejai Ekanisa. Ebe, aitogogonget ngipengin kotoma aparasia nukawasia, "Yesu Kristo nges ngopengon, bian, lolo, kede ikaru kere," nebeitor aitutuket ngipengin ajaun toma otunga.

Eipone ani ilosio ijo adumun Ngun kotoma asioman? Eipone ani kilosio ijo adumun Ngun kedipone dimarai aitogogonget naka Yesu kristo lokajaran loaponi kitajarunai kokatwak ido ejai iboyei kotoma Akabakanut nakOkuju, lolo? Kede Emoyo ngopengon kamaKe, nges ejai mama ejai icokat Aburaam loka akabakanut, kotoma aparasia nukawasia, aitogogong kede aitodiar ebe nges ngopengon bian, lolo kede ikaru kere. Amen. Einakini ngin ijo apupun aidinikit, mam kere einakini? Ngesi ngin kanen, kotoma aitutuket cut, "Iwadik aitutuket Ka toma otauon kec." Ebalu Yesu, "iboro lueswamai eong iswamaete yesida."

47 Kwape kidoluna oni nee toma Sodom, kotoma odakikan idis, koany eipone loejaar, eipone loatakanunata kangina, cut eipone loejaar aisumunet kotoma aparasia nukawasia ka nuelosi Ngesi aswam.

Ajai Ngesi aitogogong ngin, aitodun ebe Ngesi...Nges abu kocil akuan naka Yesu kristo aitiak, ayangar Emoyo, kosodi aikiar akuan kiton akan nakoteten naka eicolong loka Edeke; kosodi aijukun kwap atutubet ya, atutubet nabu Nges kocilu, Emoyo mama ijai oni, loda enyaritai Emoyo lokalaunan. Ido Aijar ngipengin najai toma Kristo ejai toma kon, ngesi itodunit ebe erai ngesi Ekelakunan kon. Etarau Nges ijo loka Edeke, ido kwana irai oni odwe ka adwe luka Edeke, ka Emoyo loka Kristo. Amen.

"Iswamai ngesi da aswamisio nueswamai Eong, iswamai da aswamisio nuitelekarito ngun, naarai alosi Eong nejai PapaKa." Amen.

48 Emoyo lojai toma ke ejai kwana tomakon, Aijar na Ikar kere. Erai ngesi ekainakinan loka Aijar na Ikar kere. Erai ngesi ekelakunan, ainyakun ngun luapotu kibiroros kotoma aibiror, toma oipone loka etunganane, einyakun mamajai Edeke. Ido Emoyo loejai toma Kristo ejai kwana tomakon. Ido karai ejai eong emoyo loka Dillon tomaka, tikwana eong adakit imudun, korai kojai eong emoyo loka enoman aputosia tomaka, tikwana eong enomi aputosia. Karai ejai eong Emoyo loka Kristo tomaka aswamisio nuka Kristo iswamai ijo. Amen. Erai ngin abeit. Aijar najai tomaKe ejai kwana tomakon.

49 Ajulakin aijara naka icebore mamajai icebore. Karai iyanga ijo aijar naka esujo kosodi aigwakin mamajaas akui nuka emelon, ibirun esujo, cut. Kiyanga ijo aijara naka ekitoi loka peach, ido ijo aigwaikin toma okitoi loka pear, itolomun peaches, narai aijara najai toma okitoi itolomun ajenanut naka kangin.

Ido kwangin ngesi ejaar ikinyomit yenikabeit; kotoma Isaak ngesi abunio ekinyomit loka akuan, loabu kongere Nges. Kotoma omusalaba, ageun kotoma Epuraim kiton Manasse, aponi kijularai, arerengusio

nukakan nakoteten kiton nakokedian; karaibo ebe lukakan nakokediany eraas lukokediany, kamajai yenididi kiton nejaai lokapolon; kanen ngesi ebelokinor ejautene kere ageun kotoma okinyomit loka akuan loka Isaak luapotu kogirito kristo, ido ekanisa loka otoma akuan lolo loda eringa engerit Ngesi.

50 Konye luka emoyo, ikinyomit yen akabakanut yenika Edeke yen iyuunit, ikenyomit yenika Aburaam yeniyuunit kangin Akirot kere naka Edeke, ejai aitogogonget naka aijar, naka Yesu kristo lokajaran kotomakec. Amen. Amen. Oo, ikatunga! Kiany, ibore ngipengin ngesi arai, ekanisa kere ekot kojenas.

Netupusere kotoma okinyomit yenakuan, koany, Isaak kede Rebecca karaas inacan lusodit, ajena naokot, luka papakec inacan; kiany luka papakec Karas inacan, itarauni ngin kesi inacan luka aokot adiope, ateran kede Eteran.

Ido Adam kede Ikeba, Karas kere Adam, kotoma ageunet. Abu Edeke koleman amaran kotoma osiepike ido asubun Aberu, kosodi alemun emoyo loberu kotoma Adam kosodi aigwaikin tomaka aberu.

51 Kanuka ngun karai kiswama aberu bala ekiliokit, ejai ibore yenerono...kanenice ejai aitapario nenice. Ido nekotor ekiliokit araut ekuriau lopeti, ekoto kojai ibore yenerono kanenice. Abu Edeke kosub ekiliokit kitanap kwape ekiliokit, ido aberu ainapa kwape aberu. Ekot nges kesi asalakin koipone kangon. Amen. Karai kiany ijo kesi iswamaete icebore, ejai do ibore yenerono. Erai ngin aitapario. Ido ibore kere araun aibunget naka kalu epaarito. Erai ngin abeit. Ateker kere, atur kere, erai kwangin, "Ibore kere erai do ajimi naeur," kwape ebalar ebaibuli ebe. Etiono do adumun ibore yenejok kanenidio kere. Ijen ijo ebe erai ngin abeit. Mam ijo idumuni idiobore—idio bore kamakec...konye koloto ngina toma ogudo, etiono adumun ekiliokit lokabeit; ikuresik kwape aanyunitor eong. Ido angor, engapete idabadai, etubete itimakec, isutete iriagin akitukes, ipuriete esigala, atamit araun ekiliokit. Kanukinyo ikotor ijo araun ekiliokit? Ebeit ijo korai aberu.

Abu eong kaany aanyunet, kalim eong ebe, "Imesan luka Agor," kotoma agola namasere.

Abu eong kalim ebe, "Mam ijo idumunitor agwalan" amucalat mam elosi aiboisio kangun. Mam, ipaa. Mam, amucalat elosi. karai aberu epedor, konye mere amucalat. Mam epedor alosit aboisio kangun. Konye nen nges ija ijo,

52 kiany.

Abu Edeke kotiak, kotub. Kiany, akuan, ateran naka Kristo, ebeit abongor cut kau toma kanusodit. Kwana Ikeba karai...

Karai Ikeba inyo? Nges kede Adam karas luaputos. Anyaritai kere Adam. Karaas imoyon. Nesubunere etunganan, irwana nasodit, abu kosubu ngesi kotoma apoto ke. Ido erai Edeke Emoyo. Kotoma apoto naka Edeke nges asubia nges, yenikiliokit kede yeniberu asubia nges kesi." Karai nges... ido amamei etunganan loabeit akoru alupok. Kanen kosodi Edeke asubun etungan kotoma apua nuka akwap kosodi akutakin ekwam mamake, ido nges Adam losodit.

53 Ido netiakia nges Ikeba kotoma Adam, abu Ikeba ibiror kanu amamus aiyuun akirot. Erai nakabeit. Ido nen ngesi ebiror ekanisa lolo, amamus aiyuun Akirot!

Konye kotoma akiro kanu, mamajai ekinyomit loka akabakanut loka Aburaam, apotu kiyuutu akirot ngin. Mam eong apodo nuepote karai nulose, epone lokwenatar kesi, yen ebala nu, karaibo ngun, eraas kesi lunerakitai toma aijara naikar kere. Ido ebongori nges arasar kau. Nges kede ekeminat, kristo, eraas idiopet. Aijar, Emoyo loajai toma Kristo, ejai do toma Okanisa. Ngin nges aitutuket kece naikar kere kane, kiany? Abu Edeke koleman Emoyo loka kristo, kosodi aicil, kotoma asubanit kalivari; kosodi ayangar Emoyo ngon, kosodi adakar akuanake kosodi aigwaikin akan nakoteten naka Eicolong loka Edeke kede Ajakanut ke Nakokuju. Tetere nginibore kere yen kotoma Akuj erai ngesi eyait. Ido Emoyo loajai tomaKe, kobongu bobo; Emoyo ngopengon, mam erai emoyo ece, Emoyo ngopengon kobu mamake, aitogogong aitutuket mamajai Ekinyomit loka Akabakanut.

54 Ido bobo kotoma aparasia nukawasia ebeit bobo oni aanyun ngin. Kotupitete Nuiwadikatai. Ido eroko eyangara ateran naka kristo kuju, kibusakinit kojai aijaanakin naeputokinos kangin cut. Amen. Eyalama eong noi alimun ngun, akuarena, narai ajeni eong ebe eraas ngun Abeit. Amen. Aputokin, aitogogong aitutuket!

Abu kitogogong ngin kane, aitodikin nges nualosi Nges aswam, aitogogong aitutuket. Edio ekesisian loka ebaibuli kere ejeni ebe nen nges abu Ngesi kitogogongio aitutuket mama ejai Aburaam. Inyo eswamai Ngesi? Aitodiar kotoma osula, nualosi Ngesi aswam, ka asubanasia nu.

Ido kwana ejai apak adaun, ido kwana aika esawa, ido mam eong ajaun kede apak naka atiakiak asubanasia nu. Acepak eraun do eong aswam ngun akuar kana moi, konye, koany, aitodun ibore yen eraas kesi, apolou naka asubanasia kanu. Konye, kiany, abu Nges kitogogong ngun, aitoduun ngun kotoma aparasia nukawasia...

55 Kwana idiotunganan yenesiomitor akiro nukolosek, ejen ebe ngon ngesi eipone loswamare aitutuket. Apotu kesi kiwadikatos ngun, kanen do kocilete ngun irwanareei; idiopet koyanga atutubet adiopet, kosodi loceda adiopet. Ajai kesi abongun bobo, mamajai asubanit, aiswamaun akecesubanit. Ngun kesi abu Aburaam kiswamate kotoma...kwap kotoma Gerar, kede kaceda, neabu ngesi kolosenenei ngina, neadukokino etem...koinakinete asubanit ido kiswamaunete acamanar kec, kosodete acilar ngun kwangin. Ido abu Edeke da kiswama ibore ngipengin, aitodun kangina ibore yenalos ngesi aswam kotoma...

56 Aingiset arai, anibo ikinyomit yeneabu ijo kisumun eong? Anibo? Eiponeani apedoria eong araun ngin? Ekwenatar eong itunga, kobalas ebe, Aburaam, Papa loka atekerin, kwana ikaru itomonakany. Kwana irai ijo loka ikaru akaisakany kauni kalukany luka apolou, arai akaisakanyangon. Aibo, aibo, aibo, aibo ejaas ikonidwe kere? Kwana idwe bo imwasai ijaatar ijo kopekwana, papa loka atekerin?" kiany, aboliar nges. Konye mam nges abu kiriangiriangakin. Abu ngesi kosalak cut kangun. Kokwenatar, kobalas, "Papa loka atekerin, kwana kaanyut bere sio imwasi ai idwe luijaatar ijo?" kiany, akotos akwenar nges, naarai asalakinit nges toma aisumunet naka Edeke, kiyuunite ebe epedor ngesi aidara ngin nabukisumunite. Arai Ngesi loapedorit adepar. Erai Nges...

Epedori ngesi ainakin asubanit Ke Elopel. Erai Ngesi Yawe-Yire. Epedori Ngesi ainakin ka aisomaun erot kanuisumunit Ngesi. Ido abu kitogogong aitutuket mamake koipone lo aitodikin nges eipone loelosio Nges aswam ngun, ayangar Kristo kosodi acilar Aijar kamaKe, kosodi aijukun nges kwap kotoma apaarasia nukawasia mama...

57 Kwana ibun oni angetakin ngin kotoma awadikaeta, kosabiti kalo, aitogogong ngin mama ijaas yes, ebe aitutuket na ebeit aitogogong kede ekinyomit loka akabakanut loka Aburaam, loda erai itunga luelomunete kotoma omo, mere iyudayan, "Itunga kotoma omo, kanuka Ekiror Ke," ayangar ngesi kanuka Ekiror Ke. Ekanisa loaajaatar Ekiror Ke ebonguni bobo mamaKe, naarai ngun ngesi erai ngesi, Aijarake.

58 Kopupok, kotoma Aparan Nakopetekot, nadoikina emoyo lokalaunan kotoma Aparan Nakopetekot, aponi koinakinai Aijara mamajai Ekanisa. Ido abu ekanisa ngon kolot kinga kosodi auriar, aponi iwadikai kokau naka Ekanisa ngon Eitabo loka Aswamisio, nuabu Ngesi kiswama, naarai arai Kristo kotoma okiyakia.

Kwana kotema Yesu atiar, kotoma Yokana Lokalaunan 15, "Karai eong Emusabibu, iras yes atenuiek." Kwana, mam Emusabibu erai araito. Atenuiek kesi eraete araito. Konye erai emusabibu ngesi einakin agogong. Ejok, kwana, karai abu atenuiek ngin nasodit nalibut kotoma okitoi kangon kitolom Eitabo loka Aswamisio; karai elibu bobo atenuiek ace ebuni araut Aijar ngipengin.

59 Ilapio idis kokau, abu eong abwoi kede epaperoka lokajokan, Yokana Sharrit, kalaije kotoma Phoenix. Eboyei eong Tucson, kwape ijenatar yesi. Ido abu eong kajai Phoenix, Onac Yokana Sharrit, Onac loajokan lokristayot. Ido karai lokabeit, kicana noi, ido abu Ejakait kisirereng nges. Ido nepetegiara eong alosit Phoniex, ikaru idis kau, amameotor nges kede idwe. Ido epuda ngesi idwe. Ido ecanasi kesi, aswam kotoma ogudoi, aigur ekokot, nepetai ikapun akaisarei kanukany, kiton akasaun kangon sawa. Kosodi nges abunore ngina, ido kiyuu nges nginAkirot kere naka Aisiraret. Kosodi nges atemar atiar, "ipedor ijo ailipakin eong?" konye kwana ejatar ngesi kede idwe ikany.

60 Ido ngin, kilema ngun bon, einanakin kwana nges nepetai isirigin luka Dollars aritai auni kiton iwongon kangon karu kanuka aswam naka kristo. Ido erai ngin abeit. Abu eong kajai kede nges ne, mam erai apak nalwana, kijai aimaniman emanikor loka epaba. Abu kogwele ebuku kere, ajatar ngesi kede ituga elukumit kede akwatakany luko Mexico luedarete ngesi. Ido ikaru itomonakany kau abu nges korai loeguri ekokot, kanuka ikapun akaisarei kanukany kangonisawa.

Abu koyanga eong toma omanikor loka imucugai. Ido abu kaany ekittoi loajai eipone lopajaar loanyunitor eong kotoma aijaraka, kangina, karai epone loka ekittoi, kajatar iponesio kere luka araito kotomake. Ido abu eong kaany, ido ajatar emucuga, ajaatar enimu, ajaatar araito naebino, ido ajatar nges araito naka emakada nukaponesio lugelegela. bala iponesio luadolete ikanyangon arai itomon, kasodi eong alimun ebe, eipone ekittoi bo alilo?"

"Oo, kotema nges atiar, erai bere ngin aitetemoret nadit, Onac Branham."

Katema eong atiar, "Oo, kaany do eong." Kasodi eong atemar ebe, ejarete ngun kere kotoma okittoi ediopet?" katema eong ebe, ekittoi bo leopone kani ngon, kotoma ageunete?"

Kabala eong ebe, erai ngon ekittoi loka emucuga. Erai Emucuga loenyaritai opulet."

Katemar eong atiar," erai baa?" katema eong, "inyobo iswamaete ikesakwi kalaije kangina?"

Kobongok nges ebe, eropikinitai ngun da tomake."

Katemar do atiar, "Oo, kaany do eong." Eong be, amisik dokwana eong." Katemar eong, "kwana, kwana okaru ngon, kangin bore kere ibelokin bobo araun emucuga, mam erai kwangin?"

Ebala nges ebe, Oo, mam, enimu itolomun bobo emimu." Abala nges, araito naebino kitolomun araito naka ebino, ido emakada itolomun emakada."

Kabala eong ebe, kotoma okitoy lopemucuga?"

Kotema nges atiar, "eebo ipaa."

Katema eong atiar, "mam eong aanyunit epone lopedora nges aswam ngun."

Kobala, "eraas kere imucugai."

Katema eong atiar, "ejok, ituritete Ejakait! Aanyu eong icebore."

61 Koany! Oo, onac, nebunio Emoyo Lokalaunan mama ejai emusabibu ngon, kosodi auruun ageun kimusabibu kitoni atenu nasodit, kosodete kesi aiwadik Eitabo loka Aswamisio kokau kangun, Karai elibu bobo ekitoy ngon atenu ace nalibunit atorom, ebuni aitolomun ibore ngipengin. Ebuni araut Yesu kristo. Kwana kijaar oni kede Methodist, Presbyterian, Baptist, Lutheran, kanginibore kere eropikinitai tomake, auruun araito nuka iriongeta; konye karai itolomu bobo acetenu, ebuni araut nakabeit, kilelebas kede kristo, Akirok naka Edeke kiding nakatoma Kristo.

62 Ido, kiitu, kiitunit ijo *aisiraret naka Ekitoi loka Ateran*. Luipu kayesi eyangaritos atepu. Eipone loabunio okilenike, ido etolomunit ngesi eipone araito naronon, kanen abu ngesi kotubo awai, atubor awai, inyikok atubonor. Konye abala Yoel ebe, nuabu enyede kideu abu ekutelek konyama; nuabu ekutelek kideu abu icebore konyama." Kidumun oni ebe ekurut ngon erai ediopet, konye bon kotoma adoketa nuegitigita. Ido nuapotu luko Lutheran kojalakis, apotu loka Methodist konyamas; nuapotu luko Methodist kojalakis, apotu luko Baptist konyamas, nuapotu luko Baptist kojalakis, apotu ipetekotin konyamas. Ajepar ibore kere kwap.

63 Konye abala Edeke Ebe, "Enyakakini eong, ebala Ejakait, ikaru kere. Abuni eong aijukun ekanisa ece, kotoma aparasia nuka awasia. Abuni eong ainyakakin apedor nakolo sek bobo. Kotoma osawa lokatibong, ejaun Aica." Kotoma otau loka ekitoy, mam ece amwasai atenu nuabu nges kigwer, konye ejaun Ekinyomit loka Akabakanut loka Aburaam abunere! Aleluya! Abu Edeke kisumunit ngin. Ebuni Edeke aswam ngin, abala ebe abuni ngesi aswam. Abuni eong ainyakakin ikaru kere luabu edini konyamarite. Abuni eong aigwerar ibore ngin kere awai, konye ebuni ajaun emusabibu kotoma otau loka ngin. Ebuni araun kwape kekitoi loirakinitai ariri naka ecilet loka akipi, etunganan loewomomoi akirot naka Edeke, aparau kede akure," mere aisisianakineta nuka itunga arai loka iriongeta, "konye inyabukai kotoma akirot, aparau kede akuare. Erau kwape kekitoi loiraikinitai ariri naka ecilet loka akipi; atenu nek mam erinyorete. Eyangau nges akeraito kotoma apakike." Abu Edeke kisumunit ngun.

64 Edeke, elacakin, kosodi airiun kinga, atubor awai, atiakar Akekuan, atikatiak Akekuan. Abu kiswama ibore ngipengin kotoma Aparau nako Pentekot, neabu Emoyo Lokalaunan kijesunor kwap. Epir ngon loka Akim aijesun kwap, loabu kotupenenei Isirael, kijeni onikere ebe karai ngin Logos, loerai Kristo. Ido nejesunor kwap, kotoma aparau nakopentekot, nunyoka abu Ngin kiswama? Abu kotiatiak akekuan, ido kolomutu angajepa nuka Akim mamajai nginidiopet kakesi, Edeke etiatiakakai Akekuan mamajas itunga. Oo, onac, ipedori ijo, araut lomam kitiatiaka, kede emoyo ngopekangon loajai toma Kristo.

"Ngin yen keyuun Eong, aswamisio nueswamai eong iswamai ngesi da. Nuepolok adepar nu, karai *nuedeparitos* nu," aijulunet naka abeit "narai alosi eong nejai Papa. Konye apak edit mam eanyunete bobo Eong akwapin konye kianyunete yes Eong, naarai Eong," alimunet narai nake obe, ajaun eong kede yes, ido tomakus, kotoma apak nakawasia, inumunumio edukone." Esumunit Ngesi aswam ngun. Ekinyomit loka Aburaam, ejai kwana Ngesi ne kwana. Erai Nges...

65 Ijai oni ne, apaarasia adis kokau, ainumunum ajarun Ke, ebe abu Edeke kitajaru Nges. Itijenaarit oni ngun. Kiwoi oni ngin. Ido emina Nges atakanun kosodi aswam icebore yenabu Ngesi kiswamate, kwepe abu Nges kiswamator eroko ajaruniKe, ipedori oni anyara nges, , ekaroan, ajokit, Lokapolon loka ajokin," kogolosi ngin kinga kotoma okanisa. Kanukinyo kiswama oni ngun? Ajai aitodolikin Nuiwadikatai, ebe, kotoma Atur nako Laudikia, Akirok, nada erai Kristo, aponi kogolorai kinga, [Abu onac branham ikongok elutar] aikungukung ekek, aitamit adumun arucikina adio kanenice, alomun toma kosodi aitejenar.

66 Konye abun atenu alomun kangina, korai cut nakabeit kwape icebore!

Abu eong kalimok Onac Sharrit, "Kanen do epone atenu kani ebuni nges aitolomun okaru ngon? Ebuni kereka nges araut emucuga? Karaibo nat enimu? Ebuni..."

"Eebo, ebun araut nageunet," ebala ngesi. Kitolomu nges atenu alopet, ebuni araut naka emucuga, kwape kejaar kageunet."

Ido nalomuna ikinyomit obe yenikajaran yenika Aburaam, Emoyo ngopengon lokejai toma Yesu Kristo ebuni ajar akidingot kec, ngin Akirok ebongokinio kede "Amen." Apotu kiyuut Ngun. Mere, "Eraas *nu* nuyengakinitai, ido *ngun* mam iyengakinitai." Apotu kiyuutu Ibore kere,' naarai erai Ngin Akirok naka

Edeke.

67 Kiyuunitos yes Ngun, lolo, kede kitaunokusi kere? eyuunit eong ngun.

Adau kwana eong alimonokin kane kiton apak airiar. Ketuluroto awok akwes adakika adiofet. Ido abuni eong airikakin ngun katibongo naka moi. Esumunit eong ebe mam eong abuni aisiap yes.

Yesu Kristo nges ngopengon bian, lolo, ido ka... aitogogong, Abu kisinapik ngun kede Aburaam, neda kotoma aiyuun abu ngesi koany ngun, kosodi ainyikokin ngaren, komam iriangirianga kotoma amamus aiyuun. Mam nges abu kiriangiriangakin. Idobodo kwana Ikinyomit Ke yenAkabakanut, oni lukinyaraikina, oni Ikristayon luka lolo, luinyarakina Ainu aikopo ngipengin nabu nges komasite kotoma, ajaut kede EmoyoKe kede oni, ido keteete Nges kitodiar aisumunet Ke naka ajaut ne kede oni?

68 Aisumunet, ainakin ngun aitodolikin, mam ekoni nen kotoma aturio kere. Mam oni kipupunitor ngun sek. Komo toma akiro nukolosek. Mam ngun etakanutor. Ido aibo abeitor Ngun alosit kotoma aparasia kanu nukawasia? Mamajai Ekanisa loseuna. Mere toma Babulon, mere toma Sodom; ajaatar kesi kede ekiyafia kwap ngina. Konye Emoyo Lokalaunan ngesi erai eyafia mamajai Ekanisa loseuna, lolo, Edeke enapit akuan naka etunganan, kitodiar Ngesi Elopel, Amisikinan itauon, Akirot naemisikini aomisio kede alosikineta nuka etau. "Yesu Kristo ngopengon bian, lolo, kiton ikaru kere." Erai Ngesi Yawe -Yire. Adau Ngesi ainakin asubanit wok, ido ejai Ngesi aitogogong aitutuket Ke. Idarit aitutuket Ke, kotoma apaarasia nukawasia, kede itunga.

69 Ipapero, tioni kipedo einer kane akuare kere. Iboro luadaun einer, ilosikino lueneri. Ejaas itunga ne luedekas; ipudas yes angaleu. Kanukinyo mam yes kiyuunatar Ngun? Karai apedori eong aitangaleun yes, mam eong apedori aswam ngun. Kilipete. Korai eong apedor aitangaleun yes, tieong eswama ngun. Mam eong apedori aitangaleun yes. Arai eong...Omisiik ijo, ajai eong ainakin aijanakin, akuare nasodit arai aarei, kane, kotoma ailipanakin lukadekak. Ido mam erai bon kanuka ngun. Karai ejai ikinyomit ice ne yen eseikinitai Aijar, ikamuni Emoyo Lokalaunan ngun. Eanyunete kesi ngun. Ejenunete kesi ngun, kwana Nges erai...

Imwasai kane eriorete ekecekanin, kakonyen nuka Edeke, ido atemar, eyuunit eong kede ekatau kere, ebe Yesu Kristo ngesi ngopengon bian, lolo, kiton ikaru kere; ebe abu kojaru okatwak, ido ejari lolo kakidingot wok lolo, kitodiara ebe ejai akidingot wok, ido eyuunit eong ebe erai nuka Edeke"? Ipedorete yes arior akusikanin, kosodete alimun, "kotoma abeit eyuunit eong ngun"?

70 Kwana, Papa lokotoma Akuju, ejaas kesi toma akanin Kon. Eraas kesi...enyaraikina kesi ebe eraasi Ikinyomit yenika Aburaam. Ekotos kesi, ekotosi kesi arerengusio nuka Edeke. Ido kwana adau eong alimokin kes, koipone lokapatan, eipone loedit. Ageya eong keda akou naka akirot ka, ido mam adolok angetakin nges. Konye, Papa, esesenete kesi ne, toma aitogogonget nejai Aburaam, neabu ijo kitogogongio aisumunet mamajai ngesi, ainakin nges aitogogonget. Kwana karai mam Emoyo loka Kristo ejai tomawok, mam do kirai luka Kristo. Ido eipone loka Kristo mam ijulakin.

Ido adau Ngesi alimokin oni ejok, ido aisumunikin iboro lu kotoma Obaibuli, kotoma aboisio nuipu. Karaida Aitutuket Namojong isumunit ngun, kotoma Malaki 4, eipone ejaunor kapaarasia nukawasia, "Aibelokin itauon luka idwe mamajai aiyuun naka luka papa," kwape luka papa luko Pentekost, Aisisianakin obe naka Ebaibuli, Akirot obe, ebe nualosete Ngun aswam. Ido abuni aanyunet ajaun, ido aanyunet na aitogogong, itogogongio kede eporoto loda abuni atupakin ngun, ebe ijai Ijo ne. Ido iyuunit isio Jo.

71 Kwana, papa, kodumu Satana erotoke kinga. Mam iso kiyuunit ebe ejai iso adiogogong, Ejakait. Mam iso kijar kede agogong. Konye iburat iso ebe kijai kede apedor.

Kianyu sio, ipolisit ngin ejai ogudo, kede ikopira kokuju akou ke. Kede imotokan luepolok ekerete kotoma ogudo, amairon akaisakany kangonisawa, kede agogong naka eigin akwatauni naka akim, emamiatar ngesi kede apedor aitwogoun ediofet kotoma kangun. Tikepedosi anangar kwap. Konye neitodiara ngesi apedor, kosodi aikiar akekan, ejai isisan aridanakin aliron. Apedor ke. Eibuga kere ejai akanin ke. Ejatar nges kede apedor. Mere agogong. Mam acepak ngesi edoli alangiru naka ikiloi akaisakany, konye ejatar ngesi kede apedor.

72 Ido eipone ngon nges ejaar atibongona, Ejakait. Ibuni iso nejai Satan, mere kede agogong, konye kede apedor, aitodiar aokot kede aitogogong naka aitutuket. Emamei nges apedor atingit itungalu.

Asesene kesi ido aanyun kesi inyinyirete, kane, O Edeke, korai kojai ecepone loapedoria eong aitolomikin aisiraret mamakec! Korai bon kopedorete aanyun, Ejakait, amisikin! Aitwekenyun kesi, Ejakait. Adioepak kwana, akuarena, koanyutu kesi ebe kirai ijo Edeke lomam ijula. Kijai ijo aitogogong akirot kon. Kidarit ijo kwape abu ijo kisumunitor. Kotoma aparasia nukawasia, ibala ijo ebe epote iboro ngun aiswamaun, "nepukorere okoku loka etunganan," apote iboro lu aiswamaun. Kocam ngun, Ejakait, ido koanyutu ebe erai ijo. Kokiror loka Yesu kelipitor. Amen.

73 Kwana kiyuutu, ipapero. Iraas yes esipan loejok. Atubor apakika, koany, ido mam eong apelekinit

aswam ngun. Abu eong kalimokinite kesi ebe abuni eong aidar apak, akuarena, konye akurok eong narai abuni angetakin akakirok akuare nakamoi, acepak, arai kitojok Ejakait.

Kwana ne nges ijai oni. Kiraas yes itunga. Kirai oni kere itunga. Ipuda oni aijar. Kanginitunganan kere ekoto aijar airikakin akepak kere. Eyuunit eong ebe ekoto Edeke oni aswam ngun. Eyuunit eong ngin. Kwana, mam erai ebe narai emamei Balm kotoma Gilead?"

Ijen ijo, elimunitere adioepak, "kanukinyo, kanukinyo? Emamei Balm kotoma Gilead?"

"Emamei tope enabi kangina?" abala Isaia, karai apelekinit eong ebe abala Eliya, "koloto kingita ngesi, erai tope narai emamei enabi kotoma Isirael? Kanukinyo kilosi ijo Ekuron ngina, edeke loka Beelesebul? Kanukinyo, inyo, kilosi ijo kuju ngina? Nges kwape eyudayat, 'kanukinyo kilosio ijo ngina?'"

Ebe erai narai emamei Balm kotoma Gilead, emamei etangalon kangina? Ejai? Ngin ngesi apolouke?"

Ingin nges apolou? Mam, ipa. Kijai kede Balm. Ejai emoyo lokalaunan ne. Eebo, ipa. Aisumunet erai nawok. Kwana eyangakin ijo aiyuun ngin. Ijo...

Erai aparant naikaikintar itunga aomisio, mam kes...etimit eong kes. Mam ejenete ibore yenebeit aiyuun. Ebalayen *nu*, ido idiopet da *ngun*. "Ido koraun akirot naka idiotunganan aingala, ido Naka korai abeit," abala Ejakait Edeke. Erai ngin abeit. Kwana mam Nges ijulakin einonoKe.

74 Kwana, acamunit eong akuare naka bian igearit akadin nuka ailip adiopek (Mam karai?), kosodete aiworo kiton aitodol nepetai akaisarei, karai icebore koiponekangon. Huh? Kwana ejulakisi eiswamae. Mam ikoto kwana adio kadi naka ailip kere. Eebo, kilip ijo bon. Ijen ijo, akadi naka ailip eyangaun ijo bon nee.

Konye apupu eong Ajakut Ke, ajeni eong ebe ejai Nges ne. Imwasai keanyunitotor aputo naka Emalaika loka Ejakait? Kwana kingarakis eong, neriamunotor eong kede ijo kotube, mam eraun karaida iputin iarei agear kanebwoia eong kane. Erai nakabeit. Ejai ne.

75 Kwana idiotunganan yenemamiatar akadni nuka ailip, korios akusikanin, kolim, "Mam eong ajatar akadin naka ailip, konye adeka ido epuda." Ejok, ejaas nginiboisit. Ejokak kere.

Kwana alimokin eong yes. Inyo abu Emalaika kiswama kangina kosawa kangon? Abu ibelok epuraKe, ebelokit epuraKe mamajai Aburaam. Nuda abeit eong Alomar toma, lolo, ido mam eong abu keswama ngun. Ido neabalar Nges, "Ebe abuni araut ibore ngipengin kotoma abunore naka Ejakait, kwape ajaar kotoma Osodom." Kidumun oni ebe, ebelokinit nges epuraKe kowema ngon. Kosodi Sara akwena kotoma kanu abu Nges kolim, narai abu kolimok Nges. Ido mam nges apedori amisikin ngun ebe, araut Etunganan okinga kangina, ainyam akiring nabu nges kiwowaite, aimat akile nuka akiteng, ido ainyama iketaok, ido arai ngon Edeke.

76 Abala ebaibuli ebe karai. Abala Aburaam ebe arai, "Elohim." Erai ngin abeit. "Elohim," Edeke. Abu koolio kongerenike Aburaam. Ido, "Edeke," konyara Nges, "Ejakait Edeke, Elohim, loisilisikina."

"Kageunet," itwasamaitai akirot ngipengin. Ediokasoman kere ejen ngun. "Kageunet Edeke," koany bere ijo Iburanian, "Elohim."

77 Koany neabalar Aburaam ebe, "Ejakait Edeke, Elohim," Ekilokit ngopengon, Etunganan ngopengon, aitodiar ebe abeit aitodiar kotoma akuan naka etunganan, mam ejai Ikinyomit yenika Aburaam, kanu aitogogong aitutuket, ka aswam iboro ngipengin yenabu nges kiswamate, (Kiany ngin?) Ibore yen abu nges iswamate kangina. Erai duc nges enabi loirerei aomisio kede alosikineta nuka etau. Narai, imwas ai ejenete ebe ebalayen ebaibuli kwangin, Irerei akirot naka Edeke aomisio nuejaas otau?"

Kwana korai Edeke koyanga itunga iuni kotoma kane, lolo. Kwana eraina aningosit. Karai mam icetunganan eomit ebe erai kwangin, kobia ijo iswama ngin. Karai mam kesi, ido mam ilimuni icebore kotoma kangun. Kiany? Kwana, komisik, ayangar itunga iuni, (Iuni eraas aitogogonget), eraas lukere ipejok, ido karai Emoyo Lokalaun...korai bon kiyuutu yes, ngun bon elipit eong yes aiyuun, aswam, nges aiyuun, ebe Ebaibuli /o erai Abeit, ido kijar oni kotoma aparasia nukawasia, ido eraina aisumunet naka aparasia nuka awasia.

78 Kiitu, Aburaam, karai amamei icebobo, abu koanyunite anyunet ace atodol aisumunet naka Esapat abunore toma aiboisit. Abu Aburaam koanyununei iponesio luipu luka aanyuneta kede icebore, kiton ngun, konye ngin arai aanyunet naka awasia. Mam nges ebuni aibil ngin; ainyikokinit naka Edeke. Icoakat yenika Aburaam, ngin nges arai aanyunet kec nakawasia. Kiany? Ngin nges nakawasia. Edeke! Ajen nges, agear kanen, arai ngon Elohim. Ido abu Yesu kobu kosodi alimun ebe ebuni ajaun kopone kangon, ido kane ijai lolo oni ne toma kangin, ibore ngipengin.

Itunga, na nges Abeit. Ajeni eong, kane kotoma auj?" ibala ijo. Ejok, erai duc kwangin. Euritai nges kotoma atuba. Amamei yen apatana aiyuun Nges. Konye erai duc icok ngun kes iyuunete, luinerakinitai toma Aijar, erai kere. Kere luainak Papa epote mamaka." Erai ngin abeit. Mam ebeit ijo aiyalongongo, ebe;

ekekiror ejai ngina, epote aanyun ngin. Ido biai? Epote aswam ngun.

Kwana, koany, erai aomisoit, apedori eong ailip kede aidokonikin akanin mamakus. Alosi eong einer ngun, kanoi-noi nasabiti paaran. Konye akoto eong yes ajenun ebe ipedor ijo aidokonokin akanin mamaKe. "Erai Ngesi Esasedot Lopeti lomam epedori arieba kaoni." kiyuunit ijo ngun? [Ebala atukot ebe "Amen."] Iyuunit ijo ngin. Ido kwana karai kiswama Nges ngun...

Ajeni eong icetunganan kane, abu eong aanyu, ido abu eong kaanyu iarei karai iuni kotoma opaperoka iboyete kanen, loerai ekejanakinan, luipu kakesi kane. Ido ediopet itulurit akekou kwap, abu ejakait kitangaleu iketelepat, kotoma amunara naka adam, konye, lolo, abu konyarite eong kotoma osimu.

79 Ido ecetunganan kanen, kede ikemukeru yenidid, akuare kaya, aomitos kesi ebe atwanit. Ido ajai eong toma Beamont. Ido iso, anyarit, koloto ngaren, kosodi aidokokin akekanin mamaka, kosodi ageun aimony, kobala ebe, "Onac Branham, ejai akirot naka Edeke kede ijo. Kingit ngesi." Kotoma adakika kangipekangin, abu ikoku yenidid kobongu toma aijar, kosodi ageun aijar bobo. Ejai papake iboyei kane, ekejanakinan.

Ido etunganan lo, abu emotoka konang, kosodi acakakin nges nenice, ido toma aipany, kosodi amunar akedam kede iceboro. Abu Ejakait kitangaleu nges itekora kotoma angaleu. Apotu kiyuutu. Kesi kotoma abeit...

80 Kwana mam ilimunete ebe abu eong eswamate ngin. Amamei eong ibore yeninapedor eong aswam kotoma kangin. Akeceyuun mamajai Edeke, nges abu kiswama ngun. Kojaunos kede aiyuun! Kere...

Kotema Yesu atiar kotoma Marako 11:22, kanginibore! Karai kilimokis emoru lo, 'koukor,' ido komam ibunokin kotaukon, konye kiyuunite ebe kere nuinera itodolikinos, idumuni ijo kere nuilimunit." Konye nges ngin kanen, kiany. Mam erai amuno; erai "aijen ngin."

Ido karai itogogong Nges Elopel ebe ejari, Ngon loabu koinak aisumunet epedor aitogogong Elopel ebe ejari, ido emamei bobo ibore kotoma akwap yenepedor aswam ngun. Kokwenyutu! Kijangakis akusiwate, kede agogong, imoyon kusi. Kiany? Emamei ibore kotoma akwap yenepedor aswam ngun konye Edeke.

Kwana ipedor ijo—ipedor ijo atubokin ngin yenaronon, karai ikoto ijo. Apotu kotubokis Nges ebe lokaronon, aso epedorete atubokin EmoyoKe ebe lokaronon. Ebalas kesi, "Arai Ngesi ajokit, aswam ngun." Ejok, naarai, apotu kodumutu eropit ngin.

Kiyuu ijo bon. Mam ijo ipedor aitangale. Mam eong apedori aitangale. Emamei etunganan loepedori aitangale. Edeke erai loitangalei.

81 Konye karai ijo kopedori ajenun ebe Ngon lope ijaanakin ijo, ido atiakakina kede akwapin kanu aijanakin, Ngopengon loimina ijo; nges ngopengon loelosi aibwo kotube, ijo kotoma otube kede Nges, kanu atubokinio, karai edolu ajaut Ke cut ne kosodi aitodun ebe ejai Ngesi ne!

Kwana akuanaKe naetakan mam epedor aswam ngun. Nebunio ngin, komameun bobo apak. "Kwape kimiliauna kanyoun kokide kiton too, kwangin ejaunor abunore naka Okoku loka etunganan." Konye EmoyoKe!

Ido abu kwana Ekanisa, koany eipone loabunio; kotoma aitojokio, aitalaunio, aibatisao naka Emoyo Lokalaunan; ido kwana kiton apak naka auruporio, aisikapikin Ekanisa. Kwape esumunitor ngesi, eipone loinapinapitere Aturio nuka Ekanisa, ido kiany oni ngin, anginibore abunore kwap, ido cut kwap.

Pentekost nges erionget lokawasia. Erai ngin kotupitete Nuiwadikatai. Ebeit korai erionget lokawasia, egiritai keda luce kere, erai ngin abeit, kwape erionget. Emamei erionget loecamunit Edeke. Erai idiope-idiope, kes luecamunit Edeke.

82 Kwana mam ijo iyunit ajakut ke? Kwana kane, arai eong onacekus, ido kwana ejukunitai, abala Edeke eong abunore aswam nu. Kanuka ngun, eyuunit eong Nges. Ido korai mam iwadikatai toma Akirot, kanuka atur na, ti eong anyou kotoma ke. Idiobore kere yenimam ejai toma Akirot, mam eong eyuunit ngin. Mam eong acamuni ngin. Mam eong abala ebe mam eong eyuuni ngin. Konye mam eong acamuni ngin; mam eong amisikinit ngin, konye mam eong acamunit ngin; mam eong amisikinit ngin. Konye nejaar toma Akirot, ido kotoma aisumunet naka atur, amisikin eong ngin. Ijo da? Elipi kingarak oni Ejakait kwana. Ido yes bon...ikeun kuju kwana, kotoma aiyuun, kiyuu ngun kotoma...ijai oni toma Ajaut Ke, Kwana, erai Yesu ngopengon ngesi abu ijaik aisumunet.

83 Ido kotoma Obaibuli kane, Paul lonyonyoikina, loajaas kede apukonokineta kotoma abarara kiton ainakin nges amaran, "ido kojatar ationis toma akuanake, kilema nges adumun aikiar adepar abarara naka apukonokineta." Kiany, abu kiwadika Ebaibuli, karai nges lonyonyoikinitai noi. Abu iwadika Itabon luka Ebaibuli. Kwape Musa, karai enabi. Ido nges, kobuni Akirot mamake, ido nges aiwadika Ngun, kosodete

acamun kotoma kaNuiwadikatai, Aiwadikaeta nuelaunito. Kwana arai nges loabala...iyuunit ngun, isisianakit iboro lu.

84 Kwana kiitu ebe kajaru Kristo kokatwak ido ejai kiding wok. Kodum ngun kotoma aomisio kon, ajaru Kristo okatwak ido ejai akidingot wok.

Kwana, iwanyunun oni akunyanikineta nuepolok, acelanar kede aiturit Edeke; ejoka ngun kere. Kiner oni kotoma angajepa ido aidwara, kede kere. Kiany oni ngun kere. Ejokuka. Epote ngun cut eupas kaNgun.

Konye, kiitu, ibore yenawasia erai Ajaut naka Edeke, Akirot Alopel. Erai Nges Akirot. Akou, Akirot, ejai abunore mamajai Akuan. Kiany? Ido Akirot ngin, kotoma iburanean esula lo 4, ebala, "ekwana Akirot naka Edeke, erai naka apedor adepar ekileny loekwana kowaitin iarei, ido emisikin aomisio ka alosikineta nuketau." Kwana koyanga Nuiwadikatai ngun kosodi ayangar toma ageunet naka inabin, koloto aitodol nejai Yesu kristo, kosodi anyun karai mam erai ibore ngipengin, ebe ejenara Ngesi kwape Mesia.

Kwana mam erai ecetunganan kane erai Mesia. Emoyo Lokalaunan nges erai Mesia. Kristo kede Emoyo Lokalaunan erai idiopobore, kanukangun kes Ngun ejai ne kwana iswamai kotoma akuan, aisikapikin Akuan kanuka asianut naka auruporio. Kiyutu ngun, ipapero.

Ejakait Edeke, okwe ocamak ngin iswamaun lolo.

85 Kwana Kokiror loka Yesu kristo, ayangar eong ediomoyo kere kotoma kane kotoma oyaitene ka, kanuka aibuses naka Edeke. Alimun eong ngun tetere ijo da iedori amisiikin. Kiany, mam kereka....

Karai ibunokin ijo, ijo, mam do ejok aiboi adaun aojau, narai itunga luipu luboyete kane, komam abunokin, adautu aanyun nuetakanunete acepakio nejaas lumam iyuunito, elosi anyoun kama ejai idiopie kitoni nejai ice, kwape ajaar kotoma Obaibuli.

86 Imwasai Kayes kane ilipete, kojenete ebe karai eong epejonon kamakec, mam eong ajen idiobore yen ikamunit ijo? Korios akusikanin, ebe ilipete yes, kwana ijen ijo ebe mam eong ajen idiobore yenikamunit ijo.

Ijo etunganan ngon iboyei kangin konapite atai narionon koseseni eong cut kane.

Kwana koany. Koany Aica ngin? Mam yes itete Ngun? Naidosoikit, Aica nekesaabu ipiriaikit kokwap kane.

Kiyuunit ijo eong kwape ekebulesit, ipa? Karai epukoki eong Edeke akonitionis, kiyuuni ijo, ibuni ijo aiyuun eong kede ekonitau kere, kiyuuni ijo ebe arai Edeke? Ti ijo kismama ngun? Ti ijo Kiyuu ebe ebuni ekonangaleu? Ijatar ijo akadi kon nakailip? Mam, mam ijo ijatar ngin. Mam ijo ipuda ngin. Ejai ationis kon toma akit. arai eraas ngun abeit, ikia akanikon. Ajai toma akit kon; emamei kwana, karai iyuunit ijo ngun. Mam eong ajeni etunganan, mam eong aanyunitor ngesi.

87 Kwana ejai etunganan ne loibyei eduny kede ijo. Ejai nges ailip. Ilipi nges kanuka icebore yenerono kede ngesi. Kosesen bere ijo eong ipaa. Ijatar ijo akadi naka ailip? [Kotemari onac ebe, "Mam,"] imameotor ijo. Iyuunit ijo eong araut ebulesit loka Edeke? ["Eebo"] iyuunit ijo nualimok eong ijo, ebe eraas Abeit? ["Eebo ipa."] Iyuunit ijo ebe erai Ajaut naka Yesu Kristo? ["Eebo ipa."] Iyuunit ijo ebe elosi ekonepura ajaun ejok agear kwana? Iyuunit ijo? Korio akonikan. Karai iyuun ijo! Kiany?

Kwana kingit etunganan. Mam eong anyunitor nges kotoma ajaraka. Mam nges etirorit eong. Erai nges ipuutin akaisarei kamaaka. Inyo abunges kotiro? Ilebikin ngin ikokoron. Abu kotiro esasedot lopet. Eboyei nges kangina, kilip adumun angaleu. Kiany, abu kotiro esasedoti lopet lotirori aipup naka ariebo wok. Kiany?

88 Kwana, inyo iwomit ijo, etunganan atumunani loboyei okau kangina, ekesa loeseseni eong akonyen? Iyuunit ijo ebe etangaleu Edeke ationis kon naka ingalura naijatar ijo? Iyunit ijo? Korio akonikanin, karai ijunit ijo ngun ikoto ijo aitwogoun ikoni ipone yenijatar ijo, da, kocaka isigalan awai? Ijangak akonikan *kwana* karai iswamat ijo. Ido iperik nges kwap ido kimurok ngun. Etangaleu ijo Yesu Kristo. Karai kiyuu ijo!

Kanepanen kanejai ijo, ejai aberu naboyei konapite agalibidin. Ejatar ngesi ationus naka ationis naka amoorito. Iyuunit ijo ebe itangaleuni ijo Edeke, amucalat? Korio akonikan karai iyuunit ijo ngun. Ejokak kere.

Ipedorete yes aswamakin eong amunonut? Ejai aberu naiboyei eiduny kede ijo, ejatar nges kede ationus naka angor, ationis naka angor. Erai ngin abeit, amucalat. Korio akonikan, karai ikote akiro nen. Drainage. Idokok akonakanin mamake, tetere engaleuni ngesi, narai iyuunit nges.

89 Ebe yen boyei kosiepike, idopet, iarei, erai aberu naiboyei eiduny kede nges. Ejai nges ationis akejeke, ationis toma akejeke. Iyuunit ijo ebe itangaleun Edeke akonikeje? Korio akonikan. Nen nges ijai

ijo. Kiany?

Iyunitos yes nges araut Yesu Kristo ngopengon bian, lolo, kiton ikaru kere?

Iyuunit ijo, iboyete kane? Kauke etunganan kalo loejai ngaren, aberu naboyei *kane*? Iyuunit ijo Edeke...ijatar ijo kede atiokusio aarei nuetioko. Adiopet kakesi erai engoti nace erai adeka naka ilenyeta. Iyuunit ijo ebe itangaleun ijo Edeke karai iyuunit ijo korio akonikanin kuju, kosodi alimim ebe, "eyuunit eong" ejokuna, kiyuu.

Kiyuunit ijo? ejai Ngesi aitogogong aitutuket.

90 Ejai nee aberu iboyei kane itei eong, kauke etunganan kalo. Ejatar nges kede eteitei loesubit bala lokarengan loka ecepone. lokarengan, kokuju *kane*; esweta, epedor korai. Elwana nges noi; kiany, emusumusi kinga ngina. ekaulo, kiany, einakini ijo anonok noi, ibelokin ibore asubit bala akile airimor agola.

Ido kanen ebwoete Ngun, cut kokuju kaya. koany Aica ngin? Kilipi nges kanuka icebore. Karai itodik eong Yesu Kristo ibore yen ilipi ijo kanuke, iyuun ijo kede ekonitau kere? Iyuun ijo? Arai eong epejonon kanejai ijo, ido ipejonikit ijo da kamaka. Konye irucokinos ijo kede esasedot lopet, narai ejenunet loinakinit Nges eong ejai cut kuju kon, kiany, kiany, aanyunet. Ajeni eong erai.

Ijaatar ijo atianus naka amoorito narono noi naisiriebi ijo. Ido ijaatar bobo ijo egoita oporoto kon, naisiriebo ijo. Karai erai ngin abeit, korio akonikan kuju.

Ibala ijo, "ipedori ijo aanyun ngun."

91 Ejokak kere, kobia bere ijo... mam ijo irai loka ane mam ijo irai loka akwap kane, aibosit na. Ibunit ijo Memphis. Erai abeit.

Aberu naboyei eduny kede ijo, ebunit nges da Memphis. Iyuunit ijo kede ekonitau kere, amucalat? Iyuunit ijo ebe itangaleun ijo Edeke? Iyuunit ijo eong araut enabiKe, karaibo ebulesit Ke? Emina ngin atugwinikin itunga, kiany. Iyuunit ijo eong araut ebulesitiKe? Iyuunit ijo ebe Edeke einekinit einer lo? Ijen ijo ebe mam eong apedor aijen idiobore kanuikamunitos ijo. Kiyuu do ijo ekot korai Edeke? Ejok iyuu kede ekonitau kere. Kosodi adumun, inyo akonationus naideka ijo, ijaatar ijo kede ationus oporoto, da. Ido ijaatar ijo icebore, ijatar ijo abutuunit, yenepoloi kosiepkon. Iyuunit ijo ebe epedor Edeke alimokin eong ewai loejai ngesi toma? Karai erai, korio akonikan karai alimok eong ijo nukabeit. Ejai toma akanakoteten. Kiany? Kiany? Iyuunit ijo ebe epedor Edeke alimokin eong ingai ijo? Ingarakini ngin ijo? Irai ijo Amucalat Cox. Erai ngin abeit. Kiany? Kobongo, koany.

Ijo kiyuunit? Kwana yes kere kiyuutu kwana? kiany, ngin nges aitogogonget naka aitutuket mamajai icokat yen kAburaam, karai kiyuu ijo! Kiany?

92 Kane, ejai aberu naper kokinga kangina kotoma oitada. Ipupeye yes eong, aberu, naeperi koitada? Ee. Mam eong apedori aitagaleun ijo. Mam ibore yenajeni eong kamakon; irai ijo apejonon neajai eong. Konye iyuunit ijo ebe epedori Yesu Kristo epukokin eong akonationis? Epedor ngin aingarakin ijo? Epedori, ti epedor? Karai iperejo kanen, ilosi ijo atwanare. Ijatar ijo arereng adiopet bon kanuka aijar. Nges acamun Yesu Kristo. Ijatar ijo engoti. Erai ngin abeit iyuunit ijo ebe itangaleun ijo Edeke kwana? Iyuunit ijo? Korio akonikan karai iyuunit ijo ngin. Kotoma aboisit kon, ibore bon yen iswamai ijo, nges anyoun kojaamu kon; kosodi ayangaar ngun nubu ijo koperia kotoma, ido koloto ore, iburat akoniyun kanejai Edeke, kwape icokat yenika Aburaam. Konyou, kokiror loka Yesu Kristo.

Kiany, abukonyou, kanu ayangar aisumunet ke kanejai Edeke.

93 Imwas aii iyuunitos kede ikecetauno kere kwana?

Kobwaata. Ijaatar ijo agogong; einakin ijo Edeke agogong. Konyou kede akonikeje. Ngesi ngin kanen, kuju, awai naka eitadake.

Kwana icekayes luikotos aijaun yesu Kristo, konyoutu kobwaata. Konyoutu kobwaata. Kobwaata, kanginiboisit, kocamut Yesu Kristo kwape ekusetangaleon.

Ejakait Yesu, itangaleu kanginidiopet kakesi. Kocam ngun, Ejakait.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7